

৪১-৮৮

ত্বরের বিচার।

শ্রীপ্রিয়নাথ মুখোপাধ্যায়-প্রণীত।

১ নং সেন্টজেমস্ ক্লোরার হইতে
শ্রীউপেন্দ্রভূষণ চৌধুরী কর্তৃক প্রকাশিত।



Printed by J. N. Dey, at the "Bani Press"
63, Nimtola Ghat Street, Calcutta.

1910.

ভূতের বিচার।

প্রথম পরিচ্ছেদ।

আজ জেলার অজসাহেবের আদালতে লোকের জায়গা হইতেছে না, এজলাস-ঘরটী একপ লোকারণ্য হইয়া পড়িয়াছে যে, তাহার মধ্যে প্রবেশ করা কাহার সাধ্য। প্রহরীগণ কিছুতেই লোকনিবারণ করিতে পারিতেছেন।

আজ আদালত-গৃহ একপ লোকারণ্য কেন? সেই জেলার প্রসিদ্ধ দস্ত্য-সর্দার হানিফ খাঁর আজ বিচারের শেষ দিন। অজসাহেব তাহার মকদ্দিমার প্রমাণ প্রয়োগ পূর্বে শুনিয়াছিলেন, আজ সেই মকদ্দিমার শেষ হকুম প্রদান করিবেন।

হানিফ খাঁ সেই প্রদেশীয় একজন অতি প্রসিদ্ধ ডাকাইত সর্দার। পুলিস কর্মচারীগণ তাহার দলশৃঙ্খিত অনেক দস্ত্যকে অনেকবার ধরিয়াছেন, অনেক দস্ত্যকে অনেকবার জেলে দিয়াছেন, কিন্তু অনেক চেষ্টা করিয়াও হানিফ খাঁকে কয়েক বৎসর পর্যন্ত ধরিতে পারেন নাই। তাহার দলশৃঙ্খিত লোক ধরা পড়িয়াছে ও জেলে গিয়াছে সত্য, কিন্তু এক দিবসের জন্য তাহার দল ভগ্ন হয় নাই, অপর লোক সংগৃহীত হইয়া সেই দল পরিপূর্ণ হই-

যাছে। গত চারি পাঁচ বৎসর পর্যন্ত ঐ প্রদেশে বৃত্ত ডাকাইতি হইয়াছে, ডাকাইতির সঙ্গে সঙ্গে যতগুলি খুন হইয়াছে, তাহার প্রায় সমস্তই হানিফ খাঁর দলের দস্ত্যদিগের দ্বারা হইয়াছে, কিন্তু হানিফ খাঁ ধৃত হয় নাই। হানিফ খাঁর বিকল্পে ডাকাইতি ও খুনি মকদ্দিমার প্রমাণও অনেক সময় সংগৃহীত হইয়াছে সত্য, কিন্তু বিশেষ চেষ্টা করিয়াও কেহ তাহাকে ধরিতে পারে নাই। পুলিস কর্মচারীগণ তাহাকে ধরিবার জন্য যে সকল যত্ন ও উদ্যম করিয়াছিলেন, তাহার সমস্তই ব্যর্থ হইয়াছে।

ইহাকে ধরিবার জন্য গবর্নমেন্টের অনেক অর্থ ব্যয়িত হইয়াছিল ও অনেক পুরস্কার দ্বোষিত করা হইয়াছিল, কিন্তু সে সময়ে হানিফ খাঁ কোনোক্ষণে ধৃত হয় নাই। সপ্তাহে তাহারই দলের একটি লোক কোন কারণ বশতঃ তাহার উপর বিশেষক্রম অসম্ভব হয় ও জনেক পুলিস কর্মচারীকে সংবাদ দিয়া নিদ্রায়াইবার কালীন হানিফকে ধরাইয়া দেয়। নিয় আদালতে প্রথম তাহার মকদ্দিমার শুনানি হয়, পরিশেষে তাহার চূড়ান্ত বিচার হয়। পাচজন জুরির সাহায্যে জজ সাহেব এই মক-

দ্বিমার বিচার করেন। বিচারক জজ সেই সময় একজন এদেশীয় ছিলেন।

জজ সাহেব সেই দিবস বিচারাসন গ্রহণ করিয়া অপরাপর দুই একটী সামান্য কার্য সম্পন্ন করিলেন, পরে হানিফ থার মুকুর্দিমা ডাকিলেন। জেলের একজন প্রধান কর্মচারী কর্মক্ষম পুলিস-প্রচৰীর সাথে আসামীকে আবিস্থা কাঠগড়ার ভিতর প্রবেশ করাইয়া দিলেন। বিচারালয় একেবারে নিম্নৰূপ হইল। জজসাহেব আসামীর দিকে লক্ষ্য করিয়া সজল-নেত্রে ও ভগ্নকঠো কহিলেন, “হানিফ থা ! জুরিগণ নিরপেক্ষ ভাবে তোমার মুকুর্দিমার বিচার করিয়া ঠিক ন্যায়সম্বত্ত ও যথাযথ অভিষত প্রকাশ করিয়া তোমাকে ডাকাইতি ও খুনি মুকুর্দিমার দোষী সাব্যস্ত করিয়াছেন। আমিও তোহাদিপের মতের সম্পূর্ণ পোষকতা করিয়া আমার কর্তব্য-কর্মের অনুরোধে বাধ্য হইয়া তোমাকে আইনের চরম দণ্ডে দণ্ডিত করিতেছি। তোমার উপর যতগুলি ডাকাইতি ও নরহত্যার প্রমাণ হইয়াছে, একবাক্তি দ্বারা যে এতগুলি শুরুতর অপরাধ ঘটিতে পারে, তাহা আমি টিতিপুর্বে কখন বিখ্যাস করি নাই। তোমার উপর বিচারালয়ের এই আদেশ হইতেছে যে, “যে পর্যন্ত তোমার প্রাণবায়ু বহিগত না হয়, সেই পর্যন্ত তোমার গলায় রক্ত খেঁটিত করিয়া তোমাকে ঝাসিকাঞ্চে ঝুলাইয়া রাখা হইবে।”

হানিফ থা জজ সাহেবের আদেশ দীর্ঘভাবে

শ্রবণ করিয়া, একটুকু সিল ও জজ সাহেবকে লক্ষ্য করিয়া কহিল, “আপনি তিমু-বিচারক, আপনার ক্ষমতায় ষষ্ঠুর কুলায়, তাহার শেষ পর্যাপ্ত আপনি দেখাইলেন, কিন্তু তুনিয়াছি, আপনাদিগের শাস্তি টো করে থে, মানুষ মরে না, তাহার আয়া পুরাতন মেহ পরিষ্যাগ করে মাত্র, ইহা যদি সত্য হয়, তাহা হইলে জজ সাহেব, আপনি জানিবেন, এক দিবস আপনার সচিত আসাৰ সাক্ষাৎ হইবে, আজ আপনার ক্ষমতা আণনি দেখাইলেন, আৱ সে দিন আমাৰ ক্ষমতা আপনি দেখিবেন।”

হানিফ থার কথা শেষ হইতে না হইতে জেলের সেই কর্মচারী সাহেব তাহাকে আৱ সেইস্থানে পাকিতে দিলেন না, পুলিস-প্রচৰীর সাথে তাহাকে কাঠগড়া হইতে বাহির করিয়া লইয়া গেলেন।

হানি�ফ থাকে বিচার-গৃহ হইতে বাহির করিয়া লইয়া যাইবার পৰ, যে সকল দৰ্শক ত্ৰি ষ্঵র পূৰ্ণ করিয়া রাখিয়াছিল, তাহারাও একে একে ত্ৰি ষ্঵র হইতে বহিগত হইয়া গেল, কিন্তু উহাদিগের মধো কাহাকেও কেনি-কৃপে অসন্তোষ প্রকাশ কৰিতে দেখা গেল না ; অধিকস্তু অনেকেই কহিল, হানিফ থা যেকুন কার্য এ পর্যন্ত করিয়া আসিতেছিল, আজ তাহার উপযুক্ত ফল মে পাইল। আজ হইতে আনাদিগের দেশ ঠাণ্ডা হইবে, ডাকাইতি একেবারেই বৃক্ষ হইয়া থাইবে।

কেহ কহিল, “পাপ করিয়া কত দিন

वाढा थाय, उपरे एकजन आहेन, तोहार इते हय. तोहा एकपत्राबे आवळ करिया निकट हइते निष्ठुति पाओया सहज नहें।”

एইलपे नाना लोक नाना कथा बलिते बलिते आपनापन गृहाभिमुखे प्रस्ताव करिल. देखिते देखिते ये स्थान लोके लोकाऱण्याचिल, मेहे स्थान एकेवारे प्राय जनशून्य हइया पडिल।

द्वितीय परिचेद ।

क्रमे हानिक थार समय पूर्ण हइया आसिल, आज तोहार फासिर दिन, अति प्रत्युषे मे फासिकाट्टे झुलिबे। तोहार कासि देखिवार निमित्त नाना लोकेर समागम हइल. विचारेव शेष दिवसे येमन लोकेर जनता हइयाचिल, आजও क्रमे मेहिलप लोकेर समागम हइल।

लोकेर समागम हइल सत्य, किस्त ज्ञेलेर वलोबास्तेर गुणे फासिते झुलिया मरिवार समय केही तोहाके देखिते पाहिल ना।

फासिकाट्ट कि ? किलपे फासि देखिया हय ? तोहा पाठकगणेर मध्ये अनेकेहे जानेन ना। फासिकाट्टके फासिकाट्ट ना बलिया इहाके फासिमळ नामे अंभिति करिलेहे वोध हय भाल हइत. काऱण उहा काट्टेर एकटी उच्च मळ विशेष, तोहार उपर हइते रञ्जु झुगाइया दिवार वलोबास्त आहे। ई मळेर उपर उठिया ये डक्कार उपर दाढा-

इते हय. तोहा एकपत्राबे आवळ करिया राखा हइयाहे ये, इच्छा करिलेहे तोहार खिल डितर हइते खुलिया देखिया याऱ्या। घाहाके फासि देखिया हइवे, तोहार आपादमळक वज्रे आचाहित करिया ई मळेर उपर तोला हय। मे तोहार उपर दण्डायान रहिले फासिरञ्जु तोहार गलार पराइया देखिया हय ओ पूर्वकधित डक्का, घाहार उपर मे दाढाइया आहे, तोहार खिल निम्न हइते येमन जलाव-झुलिया देस, अमनि मे ई मळेर डितर झुलिया गडे। ई मळ एकप उच्च करिया निर्मित ये, ई वाक्ति झुलिया पडिलेहे मृत्तिका हइते तोहार पा अनेक दूर उच्चे थाके। झुलिया पडिवामात्र ई रञ्जुर फास उहार गलार एकपत्राबे ऊऱ्ठिया याऱ्या ये, तोहातेहे तोहार आणवायू वाहिर हइया याऱ्या। एইलपे घाहाके फासि देखिया हय, मे झुलिया पडिले वाहिर हइते आर केही तोहाके देखिते पाऱ्य ना। ये रञ्जु तोहार गलदेशे आवळ थाके, केवल मेहे रञ्जुर उपरिभाग वाहिर हइते चुहे चारिवार नक्किते देखा याऱ्या। एইलपे कोन वाक्तिके फासिकाट्टे झुलान हइले तोहाके शीघ्र नामाइया क्षेळा हय ना, मे वहक्कण पर्यास्त ई रञ्जुते लम्बवान थाके, परिशेषे तोहाके नामाइया तोहार संकार करा हय।

हानिक थाकेहे एइलपे फासि देखिया

ভূতের বিচার।

হটল, তাহার আপাদমস্তক বন্দে আবৃত করিয়া সেই মঞ্চের উপর উঠান হইল, তাহার গলার রজ্জু পরাইয়া দেওয়া হইল, যে তত্ত্বার উপর সে দাঙাইয়াছিল, তাহা ভিতর হইতে হঠাৎ 'খুলিয়া' গেল। হানিফ থা; সঙ্গেরে তাহার মধ্যে ঝুলিয়া পড়ল, উপরের রজ্জুও দুটি একথার নড়ল। ইহা দেখিয়াই একে একে সকলে সেটস্থান হইতে প্রস্থান করিল। সকলেই বুঝল যে, হানিফ থা এতদিন পরে ইহ-অগ্রত পরিত্যাগ করিয়া চলিয়া গেল।

কেহ বা এই অবস্থা দেখিয়া হঃখ প্রকাশ করিল, কেহ বা আনন্দিত হইল, কেহ বা তাহার উদ্দেশে সহস্র গালি দিতে দিতে সেইস্থান পরিত্যাগ করিল।

সকলেই জানিতে পারিল যে, হানিফ থার মৃত্যুদেহ সেই মঞ্চের মধ্যে রঞ্জুতে লম্ববান রহিল।

এইরূপে সমস্ত দিবস অতিবাহিত হইয়া গেল, সন্ধ্যার সময় জেলাময় প্রকাশ হইয়া পড়ল যে, হানিফ থা ভৃত হইয়াছে; যে রঞ্জুতে তাহাকে ফাঁসি দেওয়া হইয়াছিল, ভৃত হইয়া সেই রঞ্জু হইতে আপন দেহ মুক্ত করিয়া কোথায় চলিয়া গিয়াছে। এই কথা প্রকাশ হইবার সঙ্গে সঙ্গে নানাস্থান হইতে নানা কথা উঠিতে লাগিল। কেহ কহিল, হানিফ থা ভৃত হইয়া, জলাদকে মারিয়া ফেলিয়াছে; কেহ কহিল, যে জজ

সাহেব তাহার ফাঁসির হকুম দিয়াছিলেন, হানিফ থা ভৃত হইয়া তাহার ঘাড় মটকাইয়া দিয়া আসিয়াছে। কেহ কহিল, যে পুলিস-কর্মচারী তাহাকে ধরিয়াছিল, ভৃত হানিফ থা তাহাকে গাছের উপর হইতে ফেলিয়া দিয়াছে। কেনিষ্ঠানে কেহ কহিল, খেলের ভিতর একটী লোক ও নাট, ভৃতে একটী ঝড় তুলিয়া সকল-কেই কোথায় উড়াইয়া লইয়া গিয়াছে। এইরূপে যাহার মুখে যাহা আসিল, সে তাহাটি কহিতে লাগিল ও প্রমাণ করিতে প্রবৃত্ত হইল যে, তাহার কথা মিথ্যা নহে। পাড়ায় পাড়ায়, পথে ঘাটে ঘাটে, গাড়ীতে কেবল ত্রিকথা; উহা ছাড়া আর কোন কথাই নাই। যাহারা হানিফ থার ফাঁসি দেখিতে গিয়াছিল, তাহারা কেহই সন্ধ্যার পর আর ঘর হইতে বাহির হইল না। যাহারা তাহার বিপক্ষে সাক্ষ্য প্রদান করিয়াছিল, তাহারা আপনাপন শ্রী-পুত্রাদি লইয়া ব্যতিব্যস্ত হইয়া পড়ল। বাতাসের শব্দে তাহারা ভয় পাইতে লাগিল। বৃক্ষ হইতে পত্রাদি পতনের সামগ্র্য শব্দে তাহারা মনে করিতে লাগিল যে, বুঝি হানিফ থার ভৃত আসিতেছে। এইরূপে নিশ্চিত অশান্তির সহিত সেই রাত্রি অতিবাহিত হইল।

এই সকল জনরবের যে একেবারে কেন ভিত্তি ছিল না, তাহা নহে, প্রকৃতই একটী জলাদক ঘটনা ঘটিয়াছিল, তাহা হইতেই এই সকল জনরবের উৎপত্তি।

যে দিন প্রাতে হানিফ থাকে ফাসি-কাষ্টে ঝুলান হয়, সেই দিন বৈকালে তাহার মৃতদেহ ফাসি-রজ্জু হইতে নমাইবার; জন্ম যথন জেলের একজন প্রধান কর্মচারী সেই-স্থানে গমন করিয়া, ঐ ফাসি-মঞ্চের ভিতর প্রবেশ করেন, সেই সময় দেখিতে পান যে, উহার মধ্যে কেবল মাত্র ফাসি-রজ্জু ঝুলিতেছে, হানিফ থার মৃতদেহ আরো নাই। ইহা দেখিয়া প্রথমতঃ তিনি অতিশয় আশ্চর্যাবিত হন, কিন্তু পরক্ষণেই মনে করেন, হয়তো অপর কোন কর্মচারী ঐ মৃতদেহ নামাইয়া লইয়া, সৎকারের নিমিত্ত প্রেরণ করিয়াছেন। যদি অপর কোন কর্মচারীর দ্বারা ঐ কার্য হইয়া থাকে, তাহা হইলেও উহা নিতান্ত অন্ত্যায় কার্য হইয়াছে; কারণ তাহার আদেশ ব্যতীত ঐ মৃতদেহ ফাসি-রজ্জু হইতে অবতরণ করান কাহারও ক্ষমতা নাই। মনে মনে এইরূপ ভাবিয়া ঐ ফাসি-মঞ্চের উপর যে প্রহরীর সেই সময় পাহারা ছিল, তাহাকে ডাকাইলেন ও জিজ্ঞাসা করিয়া জানিতে পারিলেন যে, তাহার পাহারাকালীন কোন ব্যক্তি উহার ভিতর প্রবেশ করে নাই, বা মৃতদেহ কেহই বাহির করিয়া লইয়া যায় নাই।

তাহার নিকট এই অবস্থা অবগত হইয়া তিনি, ঐ প্রহরীর পূর্বে যাহার পাহারা ছিল, তাহাকে ডাকাইলেন। সেও ঐরূপ কহিল।

তাহার পূর্ববর্তী প্রহরীও সেইরূপ বলিল। ক্রমে জেলের সকল কর্মচারী সেইস্থানে আসিয়া উপস্থিত হইলেন। জেলের মধ্যে মহা ছলসূপ পড়িয়া গেল, সকলেই ঐ মৃত-দেহের অনুসন্ধান করিতে লাগিলেন, কিন্তু কেহই ঐ মৃতদেহ বা তাহার কোনরূপ সন্ধান প্রাপ্ত হইলেন না।

এই অবস্থা হইতেই ক্রমে এই কথা ব্রাহ্ম হইয়া পড়িল যে, হানিফ থার মৃত্যুর পর সে ভূতঘোনী প্রাপ্ত হইয়াছে ও আপন শরীর লইয়া সেই স্থান হইতে কোথায় প্রস্থান করিয়াছে।

অশিক্ষিত লোকগণ ক্রমে এই কথা বিখ্যাস করিয়া সেইস্থান হইতে প্রস্থান করিল, আর যাহারা শিক্ষিত বা ষাহারা ভূত মানেন না, সেই সকল কর্মচারীগণ, হানিফ থার মৃত-দেহের বিশেষরূপ অনুসন্ধান করিলেন, কিন্তু কোন স্থানেই তাহার কোনরূপ সন্ধান প্রাপ্ত হইলেন না।

জেলের প্রধান কর্মচারী এই সংবাদ স্থানীয় পুলিসের প্রধান কর্মচারীর নিকট প্রেরণ করিলেন। তিনিও স্থলে সেইস্থানে উপস্থিত হইয়া হানিফ থার মৃতদেহ বাহির করিবার নিমিত্ত বিধিমতে চেষ্টা করিলেন, কিন্তু কোনরূপেই কুতকার্য হইতে পারিলেন না। এইরূপে ক্রমে দিনের পর দিন অতি-বাহিত হইতে লাগিল।

তৃতীয় পরিচ্ছেদ

এই ষটমার প্রায় পনের দিবস পরে, সদর
হইতে প্রায় দশজ্যোৎ বাবধানে একখানি কুসু-
পল্লিগ্রামে একটি ডাকাইতি হয়। ষাহোর
বাড়ীতে ডাকাত পড়িয়াছিল, তাহার বাড়ীতে
ইতিপূর্বে আর একবার ডাকাইতি হইয়া-
ছিল। হানিফ খাঁ তাহার মল-বলের সহিত
ঐ ডাকাইতি করিয়াছিল। যে সময় হানিফ
খাঁ ভূত হইয়া বিচারার্থ প্রেরিত হয়, সেই
সময় তিনি হানিফ খাঁকে সন্তুষ্ট করিয়াছিলেন
ও বিচারকালে উভয় আদালতে তিনি তাহার
বিপক্ষে সাক্ষ্যও প্রদান করিয়াছিলেন।

বর্তমান ডাকাইতির অনুসন্ধান করিবার
নিমিত্ত যখন পুলিস-কর্মচারীগণ আগমন
করেন, সেই সময় গৃহস্থামী ষেক্স এজাহার
দিয়াছিলেন, অনুসন্ধানকারী পুলিস-কর্মচারী
তাহা তাহার ডাইরিভুক্ত করিয়া লন। তিনি
এই কথা বলিয়াছিলেন যে, রাত্রি প্রায় তিনি
প্রহরের সময় যখন তাহারা সকলে নিন্দিত
ছিলেন, সেই সময় হঠাৎ তাহার বাড়ীতে
ডাকাইত পড়ে, ডাকাইতের সংখ্যা প্রায় ৫০
অনের কথ নহে। তাহাদিগের মধ্যে তিনি
হানিফ খাঁকে দেখিয়া নিতাস্ত বিশ্বিত হন,
ভাবেন, হানিফ খাঁ ভূত হইয়াও ডাকাইত
পরিজ্ঞাগ করে নাই। যখন ভূতের ডাকাইতি
করিতে আসিবাছে, তখন তাহাদিগকে বাধা
দেওয়া কর্তব্য নহে; এই ভাবিয়া তিনি

খড়কি দরজা থুলিয়া স্পরিবারে বাড়ী হইতে
বহিগত হইয়া বাড়ীর অংলগ্র একটা জঙ্গলের
তিতুর আশ্রম গ্রহণ করেন। ডাকাইতগণ
নির্বিবাদে ডাকাইতি করিয়া তাহার যথা-
সর্বস্ব লইয়া প্রস্থান করে।

অনুসন্ধানকারী কর্মচারী বাদীর এজা-
হারের এই অংশটুকু যাইও তাহার ডাইরিভুক্ত
করিয়াছিলেন, কিন্তু ভূতের দ্বারা যে ডাকাইতি
হইয়াছে, এ কথা তিনি আদো বিশ্বাস করেন
নাই; তিনি এইরূপ মন্তব্য প্রকাশ করেন
যে, যাহার বাড়ীতে ডাকাইতি হইয়াছে,
তাহার বাড়ীতে হানিফ খাঁ ইতিপূর্বে আর
একবার ডাকাইতি করিয়াছিল, হানিফ খাঁর
মকর্দিমার তিনি সাক্ষা প্রদান করেন। এখন
হানিফ খাঁ মরিয়া ভূত হইয়াছে, এই কথাও
তিনি শুনিয়াছিলেন, ও ঐ বিষয় মনে মনে
আদোলন করিতে থাকেন। স্বতরাং অক্ষকার
রাত্রে ডাকাইতি করিবার সময় তিনি তাহা-
দিগকে দেখিয়া হতজ্ঞান হইয়া পড়েন ও
বিবেচনা করেন, হানিফ খাঁ ভূত হইয়া এই
ডাকাইতি করিতেছে। যে ব্যক্তি মরিয়া
গিয়াছে, তাহার দ্বারা এই কার্য করিপে
মন্তব্যপূর্ণ হইতে পারে?

পুলিস-কর্মচারীগণ এই মকর্দিমার অনেক
অনুসন্ধান করিলেন, সন্দেহের উপর নির্ভর
করিয়া অনেকক্ষে ধরিলেন, কিন্তু প্রকৃত
আসামীর একজনও ধড়া পড়িল না বা এই
মকর্দিমার কোনোক্ষে কিনারাও হইল না।

এই ঘটনার পর ঐ গ্রামে এক এক করিয়া আরও তিন ঢাক্কাটি ডাক্তাইতি হইয়া গেল ; কিন্তু ঐ সকল মকর্দিমায় হানিফ খাঁর মায় উল্লেখ হইল না বা হানিফ খাঁর ভূতকে যে আর কেহ দেখিয়াছে, এ কথা ও কেহ বলিল না ।

পুলিস নিয়মিতক্রপে এই সকল ঘটনার অনুসন্ধান করিলেন, কিন্তু ঠাহার একটারও কিনারা করিতে সমর্থ হইলেন না ।

এইক্রপে আরও কিছু দিবস অতিবাহিত হইয়া গেল। ঐ গ্রামের শোক-জন ক্রমে ক্রমে হানিফ খাঁকে বা তাহার ভূতকে ভুলিয়া যাইতে লাগিল ।

হানিফ খাঁর মৃতদেহ পুনঃ প্রাপ্ত হইবার আশায় জেলের ও পুলিসের কর্মচারীগণ অনেক অনুসন্ধান করিয়াছিলেন এবং বিশেষ পারিতোষিক প্রদত্ত হইবে এক্রপ ও ঘোষিত হইয়াছিল, কিন্তু কোনক্রপেই ঐ মৃতদেহের কোনক্রপ সন্ধান হয় নাই ।

এইক্রপে আরও কিছু দিবস অতিবাহিত হইয়া যাইবার পর, মেই জেলার প্রধান পুলিস কর্মচারী একখানি পত্র পাইলেন। যে জজ সাহেব হানিফ খাঁর মকর্দিমার চূড়ান্ত বিচার করিয়া তাহাকে প্রাণদণ্ডের আদেশ প্রদান করিয়াছিলেন, ঐ পত্রখানি তাহারই লিখিত । ইহার সার মৰ্ম এই ।—

“গত রাতে আমার বাড়ীতে একটা ভয়ন্তি ঘটনা ঘটিয়াছে। রাত্রিকালে আমি

আমার ঘরে একাকী শব্দ করিয়াছিলাম, নিকটেই একটা আলো অল্প অল্প জলিতে-ছিল, সেই সময় ঠাঁঁটাঁ আমার নিজে ভঙ্গ হয়, আমি চক্ষু উন্মুক্ত করিয়া দেখি, দুই জন শোক আমার ঘরে প্রবেশ করিতেছে, তাহাদিগের মধ্যে যে অগ্রে ছিল, তাহাকে দেখিবা মাত্রই আমি চিনিতে পারি, সে হানিফ খাঁ। তাহার হস্তে একখানি তরবারি ছিল, সে আমাকে হত্তা করিয়ার মানসেই যে আমার ঘরে প্রবেশ করিয়াছিল, তাহাতে আর কিছুমাত্র সন্দেহ নাই। এই অবস্থা দেখিয়াই আমার মনে অভিশয় ভয় হইল, আমি নিম্নে মধ্যে আলোটী নিভাইয়া দিয়া একেবারে ঘরটা অঙ্ককার করিয়া ফেলিলাম ও আমার পাশক্ষের অপর পার্শ্ব দিয়া অবতরণ পূর্বক পাঁপক্ষের নিয়ে দিয়া ক্রমে গোছলখানার উপস্থিত হইলাম ও উহার মধ্য দিয়া অঙ্ককারে আপন দেহ লুকাইয়া বাগানের ভিতর প্রবেশ করিলাম। ক্রমে উহার এক প্রান্তে গমন করিয়া কক্ষকণ্ঠে লতা-পাতার মধ্যে লুকাইয়া রহিলাম। আমি ঘর হইতে বহিগত হইবার পরই আর এক বাজি মশাল হস্তে ঐ ঘরের ভিতর প্রবেশ করিয়াছিল ও উহারা আমার অনুসন্ধানও করিয়াছিল, কিন্তু আমাকে না পাইয়া উহারা ও উহাদিগের অনুচর যাহারা বাহিরে ছিল, তাহারা আমার গৃহস্থিৎ-জ্বায়াদি লুণ্ঠন করে। সেই সময় আমার পরিবারবর্গ ঘরে না থাকায় অশক্ত-পত্র ও বহুল্য

দ্রুয়াদি বিশেষ কিছুই ঘরে ছিল না, কাজেই তৈজস-পত্র বা বস্ত্রাদি যাহা কিছু সম্মুখে পাইল, তাহাই লইয়া প্রস্থান করিল। মূল্যবান দ্রব্যের মধ্যে একটী সোনার ষড়ি, চেন, চেনে সংশগ একথানি মোহর, একটী আংটী ও কয়েকখানি কুপার বাসন অপস্থিত হইয়াছে। উহারা যথন মশালের আলো জ্বালিয়া বাহির হইয়া যায়, তখন আমি উহাদিগের অনেককে উত্তমক্রপে দেখিয়াছি, বেধ হয় চিনিলেও চিনিতে পার। উহাদিগের মধ্যে আমি হানিফ থার মৃত্তি স্পষ্ট দেখিয়াছি। সেই ঐ দলের দলপতির কার্যে নিমুক্ত ছিল, কিন্তু আমি কিছুই বুঝয়া উঠিতে পারিতেছি না যে, বে ব্যক্তিকে কাসি দেওয়া হইয়াছে, সেই বাস্তি পুনরাবৃ কিরূপে আগমন করিল ? ভূত-প্রেতের কথা আমি কখন দিখিম ক'র নাই, কিন্তু হানিফ থাকে দেখিয়া আমি কিছুই স্থির করিতে পারিতেছি না। আমার বাড়ীতে সেৱপ অবস্থা ঘটিয়াছিল, তাহাই আপনাকে লিখিলাম, এ সম্বন্ধে যদি কোনুকপ অনুসন্ধান করা আবশ্যিক হিসেবে করেন, করিবেন। আমি যাহাকে দেখিয়া হানিফ থা বলিয়া চিনিতে পারিয়াছি, সে প্রকৃত হানিফ থাই হউক বা তাহার ভূতই হউক, অথবা হানিফ থার দেশধান্তী অপর কোন ছদ্মবেশী পুরুষই হউক, সে যে আমাকে হত্যা করিতে আসিয়া-ছিল, সে ধীরে আর কিছু মাত্র সন্দেহ নাই।”

প্রধান পুলিস-কর্মচারী সাহেব এই পত্র পাইয়া আর ক্ষণমাত্র স্থির থাকিতে পারিলেন না, তখনই তাহার অধীনস্থ উপযুক্ত পুলিস-কর্মচারীগণকে সঙ্গে লইয়া এই ঘটনার অনুসন্ধানে গমন করিলেন।

ঘটনাস্থলে গমন করিয়া জড় সাহেবের বাড়ীর অবস্থা স্বচকে দেখিলেন। দোখলেন, যে, সেই বাড়ীতে প্রকৃতই ডাকাটিতি হইয়া গিয়াছে। সেই বাড়ীর নিকটে অপর কোন গোকের আবাসস্থান ছিল না। জেলায় সাহেবপাড়ায় যেনেপ বাঙ্গলায় সাহেবগণ বাস করিয়া থাকেন, ইহাও সেই প্রকারের বাঙ্গলা, ময়দানের মধ্যে স্থাপিত। সুতরাং ডাকাটিতি হইবার সময় পাড়ার লোকের কোনুকপ সাহায্য পাইয়ার উপায় নাই। ভৱসার মধ্যে কেবল ভৃত্যগণ, তাহার মধ্যেও অনেকেই রাত্রিকালে সেই স্থানে থাকে না, পাড়ার ভিতর প্রায় সকলেইই থাকিবার স্থান আছে, রাত্রিকালে তাহারা সেই স্থানে গমন করিয়া থাকে ও পরদিবস প্রতুষে আপনাপন কাশ্যে উপস্থিত হয়।

সুতরাং নিকটবর্তী কোন লোক-জনের নিকট হইতে বিশেষ কোনুকপ অবস্থা তাহারা অবগত হইতে পারিলেন না। কেবল মাত্র একজন চৌকিদার কহিল, সে যখন চৌকি দিতে বাহির হয়, সেই সময় জড় সাহেবের বাড়ীর দিকে মশালের আলো দেখিয়া ও লোকের কলার বুনিয়া স্পষ্টই বুঝিতে পারে,

জজ সাহেবের বাড়ীতে ডাকাইত পড়িয়াছে। যদি মে কোনোক্ষে সাহায্য করিতে পারে, এই ভাবিয়া, মে সেই দিকে আসিতে থাকে, পথে দেখিতে পায়, ডাকাইতগণ ডাকাতি করিয়া সেই দিকেই ফিরিয়া আসিতেছে। মে একাকী, স্বতরাং কোনোক্ষে উত্তানিগের প্রতিবন্ধক না হইয়া লুকাইত ভাবে রাস্তার একপার্শে দণ্ডায়মান হয়। দম্ভাগণ তাহাকে অতিক্রম করিয়া গমন করিবার পর মেও দূর হইতে তাহানিগের পশ্চাত পশ্চাত গমন করে, কিন্তু কিছুদূর গমন করিবার পরই উহারা তাহার দৃষ্টিপথের অতীত হইয়া চলিয়া যায়।

ঐ চৌকিদার আরও বলিয়াছিল যে, মে হানিফ থাকে উত্তমক্ষেত্রে চিনে। মে তাহাকে ঐ দলের সঙ্গে দেখিয়াছিল। ডাকাইতের দল দেখিয়া তাহার যত ভয় না হয়, ভূত দেখিয়া তাহার অতিশয় ভয় হয়, কারণ মে শুনিয়াছিল, হানিফ থা মরিয়া ভূত হইয়াছে। ভূত দেখিয়া ও ভূতের ভয়ে অতিশয় ভীত হইয়াছিল বলিয়াই, মে সেই দলের সম্পূর্ণক্ষেত্র অনুসরণ করিতে পারে নাই। মে আরও বলিয়াছিল, ঐ ভূতের দল একটী বাঁশবাগানের নিকট গমন করিবার পর কোণাগাঁ হিস্তিয়া গেল, আর মে তাহানিগকে দেখিতে পায় নাই। তাহার বিশ্বাস, ঐ দলের সকলেই ভূত, উহারা বাঁশ-বাগানের ভিতর গিয়াই অঙ্গুরি হয়।

—

চতুর্থ পরিচেন।

জজ সাহেবের বাড়ীতে ডাকাতির অনুসন্ধানের নিমিত্ত পুলিসের সর্বপ্রধান কর্মচারী হইতে সর্বনিয় কর্মচারী পর্যাপ্ত সকলেই বিশেষক্ষেত্রে চেষ্টা করিতে লাগিলেন। তাহানিগের মধ্যে সকলেই হানিফ থার দ্বারা যে ডাকাতি হইয়াছে, এ কথা বিশ্বাস করুন বা না করুন, কিন্তু ভূতের কথা বিশ্বাস করুন বা না করুন, জজ সাহেবের বাড়ীতে যে ডাকাতি হইয়াছে ও তাহার বাড়ী হইতে যে অনেক দ্রব্য অপহর্ত হইয়াছে, ইহা কিন্তু সকলকেই বিশ্বাস করিতে হইল। আরও বিশ্বাস করিতে হইল যে, ঐ কার্য ডাকাতির দ্বারা সম্পর্ক হইয়াছে। সেই সকল ডাকাত যাহারাই হউক না কেন, তাহারা কিন্তু ভূত নহে, কারণ উহারা যদি ভূত হইত, তাহা হইলে কেবলমাত্র উৎপাত করিয়াই চলিয়া যাইত। চেন, ষড়ী, আংটী, কুপার বাসন, কাপড় চোপড় প্রভৃতি দ্রব্যাদি ভূতে অপহরণ করিবে কেন? ঐ সকল দ্রব্যে ভূতের প্রয়োজন কি?

এই ডাকাতির কিনারা করিবার নিমিত্ত পুলিস কর্মচারীগণ বিধিবত্তে চেষ্টা করিতে লাগিলেন। দুইজন প্রমিল ডিটেকটিভ কর্মচারী তাহানিগের সকল কার্য পরিত্যাগ করিয়া এই ডাকাতির অনুসন্ধানে ঘুরিয়া বেড়াইতে লাগিলেন। কিন্তু সহজে[●] কিছুই করিয়া উঠিতে পারিলেন না, বা শীঘ যে তাহার

একটা কিমারা হইবে, তাহারও কোন উপায় দেখিতে পাওয়া গেল না।

এইরূপে ক্রমে দিন অতিবাহিত হইতে লাগিল। একদিন বেলা আনন্দজ দশটার সময় ডিটেকটিভ কর্শচারীস্বর, থানায় দারোগার নিকট বসিয়া এই ডাকাতি সমস্কে কথা-বার্তায় নিযুক্ত আছেন, একপ সময় একজন চৌকিদার একটী স্ত্রীলোককে লইয়া সেই স্থানে উপস্থিত হইল। তাহাকে দেখিয়া দারোগা বাবু সেই চৌকিদারকে কহিলেন, “এই স্ত্রীলোকটীর কি হইয়াছে ?”

চৌকিদার। এই স্ত্রীলোকটী কোন বিষয় আপনাকে জানাইতে ইচ্ছা করেন, তাই আমি ইহাকে সঙ্গে করিয়া আনিয়াছি।

দারোগা। কি বিষয় জানাইতে ইচ্ছা করে ?

চো ! উহাকে জিঞ্চাসা করিলেই সমস্ত দিষ্য জানিতে পারিবেন।

দা। কি গো বাছা, কি হইয়াছে ?

স্ত্রী। আমরা আর ঘরে রহ হইয়া বাস করিতে পারি না।

দা। কেন ?

স্ত্রী। ভূতের অত্যাচারে।

দা। ভূতের অত্যাচার আমরা কিরূপে নিবারণ করিব ? আমরা তো ভূতের ওঝা নহি। কি হইয়াছে বল দেখি শুনি ?

স্ত্রী। গত রাতে আমি আমার ঘরে হইয়াছিলাম, বাহির হইতে কে আমার দরজায়

ধাকা দিল ; আরি প্রদীপ হস্তে দরজা খুলিয়া দেখি, আমার ঘরের সম্মুখে সেই ভূত দাঢ়াইয়া। ঐ ভূত দেখিয়াই আমি একেবারে অজ্ঞান হইয়া সেই স্থানে পড়িয়া গেলাম, আমার মুখ দিয়া কোন কথা বাহির হইল না। আমি কতক্ষণ ঐরূপ হতজ্জান অবস্থায় সেই স্থানে পড়িয়াছিলাম, তাহা আমি জানি না। যখন আমার জ্ঞান হইল, তখন দেখলাম, আমার অঙ্গে যে সকল অলঙ্কার ছিল, তাহা নাই। ঘরের ভিতর আমার যে সকল বাল্ল পেটরা ছিল, তাগী সমস্তই ভাঙ্গা অবস্থায় পতিত রহিয়াছে, ও তাহার মধ্যে আমার যাহা কিছু ছিল তাহার সমস্তই অপহৃত হইয়াছে। আমার বিশ্বাস, ঐ ভূত ভিন্ন অপর কেহ আমার ঐ সকল দ্রব্য আপহৃণ করে নাই। আমার সমস্ত দ্রব্য যখন ভূতে লইয়া গিয়াছে, তখন আমার ঘাড়টী যে সে মটকাইয়া রাখিয়া যায় নাই, ইহাট আশ্চর্য !

দা। তুমি বলিতেছ, “সেই ভূত” ! কোন ভূত ?

স্ত্রী। তাহা তো আপনারা সকলেই জানেন। যে ভূত কোটাল ঘোর ঘাড়-মটকাইয়া রাখিয়া গিয়াছিল ; যে ভূত রাস্তার উপর বাঁশ ফেলিয়া সকলের যাতায়াত সময় সময় বন্ধ করিবার দেয় ; যে ভূত গাছের উপর পা ঝুলাইয়া বসিয়া পাকিয়া সকলকে ভয় দেখাইয়া থাকে, ও সেই ভূত, সকলেই উহাকে চিনে।

দা। উহার নাম কি?

স্ত্রী। হানিফ ঝঁ মরিয়া ভূত হইয়াছে, তাহা তো আপনারা সকলেই জানেন। ও সেই ভূত।

দা। সে ভূত থাকে কোথায়?

স্ত্রী। ভূত যে কোথায় থাকে তাহা কে জানে, কিন্তু প্রায়ই তো তাহাকে কেহ না কেহ দেখিতে পায়।

দা। কোথায় ভূতকে দেখিতে পাওয়া যায়?

স্ত্রী। আমাদের গ্রামে ও তাহার নিকট-বর্তী স্থান সমূহে—মাঠের ভিতর, জঙ্গলের ভিতর, বাগানের ভিতর, পুকুরের ধারে গুড়তি যে সকল স্থানে লোকের যাতায়াত কম, প্রায় সেই সকল স্থানে কেহ না কেহ এই ভূতকে দেখিতে পায়, ইহা তো প্রায়ই শুনিতে পাওয়া যায়।

দা। তুমি এই ভূতকে আমাদিগকে দেখাইতে পার?

স্ত্রী। আমি স্ত্রীলোক, আমি কিরণে এই ভূত আপনাদিগকে দেখাইব; আপনারা চেষ্টা করিলেই, এই সকল স্থানে কোন দিন না কোন দিন ভূতকে দেখিতে পাইবেন। কিন্তু সে যদি আপনাদিগের ঘাড় গটকাইয়া দেয়?

এই স্ত্রীলোকের কথা শুনিয়া পুলিস-কর্মচারীজয় ভূতের ব্যাপার বিশেষ কিছুই বুঝিয়া উঠিতে পারিলেন না, তবে এই মাত্র

বুঝলেন যে, যে চোর তাহার বাড়ীতে চুরি করিতে আসিয়াছিল, তাহাকে দেখিয়া এই স্ত্রীলোকটী অতিশয় ভয় পাইয়া অজ্ঞান হইয়া পড়ে। এই সুযোগে এই চোর ইহার ব্যাসর্বস্ত্র অপহরণ করিয়া লইয়া গিয়াছে।

স্ত্রীলোকটীর কথা শুনিয়া দারোগা ব্যবসেই চৌকিদারকে কহিলেন, এই স্ত্রীলোকটী যেরূপ ভূতের কথা বলিতেছে, তাহা তুমি শুনিয়াছ কি?

চৌ। হঁ হজুর, শুনিয়াছি।

দা। এ কি সত্য কথা কহিতেছে?

চৌ। হঁ হজুর, এ সব সত্য কথা কহিতেছে। আমার মহলে হানিফ ঝঁ ভূত হইয়া আজ-কাল বড়ই অত্যাচার করিতেছে।

দা। তুমি কি সেই ভূত কোন দিন দেখিয়াছ?

চৌ। না, আমি নিজে একদিনও দেখি নাই। কিন্তু যাহারা যাহারা দেখিয়াছে, তাহাদেরই মুখে শুনিয়াছি। অনেকেই ভয় পাইয়াছে, এ কথা আপনি সেই স্থানে গিয়া জিজ্ঞাসা করিলেই জানিতে পারিবেন।

চৌকিদারের কথা শুনিয়া ডিটেকটিভ কর্মচারীদ্বয়ের মধ্যে একজন কহিলেন, হানিফ ঝঁ ভূত হইয়া যখন এই সকল স্থানে মানানুপ অত্যাচার করিতেছে, এ কথা যখন এই স্থানের স্থানীয় লোকদিগের বিশ্বাস, তখন একবার এই স্থানে গিয়া একটু অনুসন্ধান করিয়া দেখা মজবুত নহে।

ইহার কথাৰ সকলৈই অনুমোদন কৱি-
লেন। দারোগাবাবু ঐ শ্রীলোকটীৰ এজাহার
গীথিয়া লক্ষ্য তাহাকে কহলেন, “তুম
এখন ঘৰে যাও, আমি একটি ভূতের ওৰাৰ
জোগাড় কৱিয়া তোমাদিগেৰ বাড়ীতে যত
শৌচ পারি গিয়া উপস্থিত হইব ও দেখিব,
তোমাৰ যে সকল দ্রব্য চুৰি গিয়াছে, তাহার
কেন্দ্ৰপ সন্ধান কৱিয়া উঠিতে পারি কি না
এবং যে ভূত তোমাদিগেৰ গ্রামেৰ লোকেৰ
উপৰ অভ্যাচাৰ কৱিতেছে, সেই ভূতকে ঐ
গ্রাম হইতে তাড়াইতে পারি কি না ?

দারোগা বাবুৰ কথা শুনিয়া চৌকিদার
ঐ শ্রীলোকটীকে সঙ্গে লইয়া সেই দ্বান হইতে
প্ৰস্থান কৱিল।

উহারা প্ৰস্থান কৱিবাৰ পৱ দারোগাবাবু
আহাৰাদি সমাপন কৱিয়া সেই স্থানে গমন
কৱিবাৰ নিমিত্ত প্ৰস্তুত হইলেন। বলা বাহ্য,
ডিটেকটিভ কৰ্মচাৰীদৰেও তাহার সহিত সেই
স্থানে গমন কৱিবাৰ নিমিত্ত প্ৰস্তুত হইয়া
আসিলেন।

—

পঞ্চম পরিচ্ছেদ।

ডিটেকটিভ কৰ্মচাৰীদৰেৰ সহিত দারোগা
বাবু মামুল-মত সেই গ্রামে গিয়া উপস্থিত হই-
লেন। ঐ শ্রীলোকটীৰ বাড়ীতে গিয়া দেখি-
লেন, তাহার ঘৰ হইতে প্ৰকৃতই মিলুক,
বাল্প ভাঙিয়া দ্রব্যাদি কে চুৰি কৱিয়াছে।

আৱও জানিতে পাৰিলেন, যে সকল গহনা ঐ
শ্রীলোকটীৰ অঙ্গ হইতে অপদৃত হইয়াছে
বলিয়া সে এজাহার দিয়াছে, সেই সকল অণ-
কার সদা সৰ্বদাই সে পৱিধান কৱিত, এখন
তাহার গাত্ৰে সেই অকল অলঙ্কাৰ নাই।

এই সমস্ত বিষয় অনগত হইয়া ভূতেৰ
প্ৰকৃত ব্যাপারটা কি তাহা জানিবাৰ নিমিত্ত
তিনি সেই গ্রামেৰ ও নিকটবৰ্তী স্থানেৰ অনেক
লোককে অনেক কথা জিজ্ঞাসা কৱিলেন।
তাহার কথাৰ উত্তৰে অনেকেই ভূতেৰ অত্যা-
চাৰেৰ কথা বলল। কেহ বলল, সে একদিন
বাশ-বাগানেৰ ভিতৰ একঢাকি বাশেৰ গোড়াৰ
ভূতকে বসিয়া থাকিতে দেখিয়াছে। কেহ
বলল, একদিন সন্ধ্যাৰ পৱ রাস্তা দিয়া গমন
কৱিবাৰ কালীন দেখিতে পায় যে, ভূতটা
একটী গাছেৰ উপৰ পা ঝুলাইয়া বসিয়া
আছে। তাহাকে দেখিয়া যেনন ঐ ভূত সেই
গাছ হইতে লাক দিয়া তাহার ঘাড়ে পড়িলে,
অমনি সে দৌড়াইয়া সেই স্থান হইতে পলায়ন
কৱে। এইক্রম অনেকে ঐ ভূত সমষ্টি অনেক
কথা কহিল। কেহ বা কহিল, সে ভাল
কৱিয়া দেখিয়াছে যে, উহার আকৃতি হালিফ
খার ঘত, কিন্তু লম্বা লম্বা হস্ত, লম্বা লম্বা
অঙ্গুলি, লম্বা লম্বা পা বাড়াইয়া চলে।

উহাদিগেৰ নিকট এই সকল বিষয় অনগত
হইয়া, ঐ মৰ্কদৰ্মাৰ অনুসন্ধান উপলক্ষে
দারোগা বাবু সেই ডিটেকটিভ কৰ্মচাৰীদৰেৰ
সহিত সেই স্থানে প্ৰায় দশ পনেৰ দিনস অন-

শিতি করিলেম। কিন্তু ঐ সময়ের মধ্যে ভূতের আর কোনোক্রম অত্যাচারের কথা তাহার কণ্ঠে গোচর হইল না, বা নিকটবস্তী গ্রাম সমূহের কোন লোক ঐ ভূতকে দেখিতে পাইল না, বা তাহার কথা ও শুনিতে পাইল না।

দারোগা বাবু ঐ মুকদ্দমার অমুসন্ধান করিলেন সত্য, কিন্তু তাহার কোনোক্রম কিনারা করিতে না পারিয়া, সেইস্থান পরিত্যাগ পূর্বক আপন পানায় গমন করিলেন। বলা বাহ্যিক যে, ডিটেকটিভ কর্মচারীদেরও তাহার সহিত মেইস্থান হইতে প্রস্থান করিলেন।

তাহাদিগের সেইস্থান হইতে প্রস্থান করিবার পর পুনরায় সেই গ্রামে সেই ভূতের উৎপাত আরম্ভ হইল। অনেকেই আবার সেই ভূতকে মাঝে মাঝে দেখিতে পাইল; অনেকেই আবার তাহার অত্যাচারের কথা শুনিতে পাইল; অনেক স্থলেই পুনরায় সেই ভূতের দল ডাকাতি করিতে আরম্ভ করিল। কিন্তু ঐ ভূতের দলের একটা ভূতও ধরা পড়িল না, বা জানিতে পারা গেল না যে, উহারা কাহারা! এইক্রমে ঐ গ্রামে পুনরায় অশাস্ত্রির আবির্ভাব হইল।

এই সকল বিষয়ে ক্রমে জেলার প্রধান প্রধান কর্তৃপক্ষীয়গণের দৃষ্টি আকর্ষিত হইল। যাহাতে ঐ সকল অত্যাচারের প্রতীকার হয়, সকলেই তাহার বিশেষক্রম চেষ্টা করিতে লাগিলেন। গ্রামের প্রধান প্রধান লোকদিগকে ডাকাইয়া, যাহাতে তাহারা পুলিসকে

উপযুক্তক্রপে সাহায্য প্রদান করেন, তাহার নিমিত্ত অমুরোধ করিলেন. ও পুলিস কর্মচারীদিগের মধ্যে হইতে বাছিয়া বাঁচিয়া করেক্রজন কর্মচারীকে ঐ কার্যে নিযুক্ত করিলেন। তাহাদিগের কার্যই হইল—ঐ ভূতের দলের অমুসন্ধান করা ও ইহার নিগৃত তত্ত্ব আবিষ্কার করা।

কর্মচারীগণ আপনাপন কার্যে নিযুক্ত হইয়া ছদ্মবেশে গ্রামে গ্রামে ঘুরিয়া বেড়াইতে লাগিলেন। নানা স্থানে নানা লোকের সহিত সাক্ষাৎ করিয়া, যাহাতে কোনোক্রমে ভূতের সন্ধান করিতে পারেন, তাহার চেষ্টা করিতে লাগিলেন। যে প্রকারের লোক নিযুক্ত করিলে তাহাদিগের দ্বারা এই সকল বিষয়ের সন্ধান হইতে পারে, প্রচুর পরিমাণে সরকারী অর্থ ব্যয় করিয়া সেই সকল লোককে নিযুক্ত করিতে লাগিলেন। এইক্রমে কিছুদিন অতিবাহিত হইয়া গেল, কিন্তু কেহই কোনোক্রমে কোন বিষয়ের বিশেষক্রম সন্ধান আবিয়া দিতে পারিল না।

এই সকল কর্মচারীগণের মধ্যে একজন কর্মচারী, তাহার কার্যে কৃতকার্য্য হইতে না পারিয়া মনে মনে বিশেষক্রম লঙ্ঘিত হইলেন, কিন্তু উপায়ে তাহার অভিলাষিত কার্য সমাপন করিতে পারেন, একাগ্রমনে কেবল তাহাই চিন্তা করিতে লাগিলেন। কিন্তু কোনোক্রমে উপায় প্রিয় করিতে না পারিয়া, একবার যে ব্যক্তি হানিফ খাঁকে ধরাইয়া দিয়াছিল,

তাহার সাহায্য গ্রহণ করিতে মনস্ত করিলেন। তাহার টিকানা তিনি জানিতেন না, পুরাতন মুকুর্দিমার কাগজ-পত্র হইতে তিমি তাহার টিকানা বাহির করিলেন। তিনি যে ঐ ব্যক্তিকে সাহায্য গ্রহণ করিতে অস্ত্র হইয়াছেন, এ কথা অপর কোন কর্মচারীকে বাথানার দারোগাবাবুকে পর্যন্ত বলিলেন না। তিনি নিজেই নিজের অভিজ্ঞত কার্যে অবৃত্ত হইলেন।

বহু চেষ্টার আবেদ আলির সম্মান পাইলেন। যে ব্যক্তি হানিফ খাঁ সমষ্টি সংবাদ দিয়া একবার তাহাকে ধরাইয়া দিয়াছিল, তাহারই নাম আবেদ আলি। আবেদ আলি পূর্বে হানিফ খাঁর ডাকাইত দলের একজন ডাকাত ছিল।

হানিফ খাঁ মরিয়া গিয়াছে, মরিয়া সে ভূতই হউক, বা অপর কিছু হউক, তাহার সমষ্টি এখনকার সংবাদ যে আবেদের নিকট পাওয়া যাইবে না, তাহা সেই কর্মচারী বেশ জানিতেন। কারণ হানিফ খাঁকে ধরাইয়া দিবার পর, আবেদ আলি আর ঐ দলের মধ্যে অবেশ করিতে সাহস করে নাই। কিন্তু কর্মচারী ইহা জানিতেন যে, আবেদ আলি যে সময়ে ডাকাইত-দলভুক্ত ছিল, সেই সময়ে সেই দলে অপর যে সকল ডাকাইত ছিল, তাহাদিগকে নিশ্চয়ই সে চিনিত, ও যে ষে হানে তাহারা বাস করিত, তাহাও সে জানিত। সুতরাং তাহার নিকট হইতে যদি ঐ সকল

লোকের মাঝ ও ধার্ম অবগত হইতে পারা যায়, এবং যদি তাহাদিগকে কোন না কোন উপায়ে ধরিতে পারা যায়, তাহা হইলে সম্পত্তি যে সকল ডাকাত হইয়াছে, তাহার দুই একটার কিনারা হইলেও হটতে পারে।

মনে মনে এইরূপ ভাবিয়া, তিনি আবেদ আলিকে হস্তগত করিবার নিমিত্ত বিধিমতে চেষ্টা করিতে লাগিলেন। যতদিন পর্যন্ত আবেদ আলি তাহার নিজ গৃহকার্যে হস্তক্ষেপ করিতে মা পারে, ততদিন পর্যন্ত তিনি তাহার ও তাহার পরিবারবর্গের ভার সরকারী অর্থ হইতে চাপাইলেন এবং তদ্বাতীত সময় সময় আবুও দশ কুড়ি টাকা দিয়া, তাহাকে সম্পূর্ণরূপে হস্তগত করিয়া লইলেন। আবেদ আলি ও সাধামত সেই কর্মচারীকে সাহায্য প্রদান করিতে সম্মত হইয়া, কখন একা, কখন বা তাহাকে সঙ্গে লইয়া নানা স্থানে ঘুরিয়া বেড়াইতে লাগিল এবং সময় সময় পুরাতন দলের ডাকাইতদিগের মধ্যে কাহার কোথায় বাসস্থান তাহা সেই কর্মচারীকে গোপনে দেখাইয়া দিতে লাগিল।

ষষ্ঠ পরিচ্ছেদ।

এইরূপে আবেদ আলি কিম্বদ্বিম পর্যন্ত সেই কর্মচারীর নিকট বিশেষরূপ সাহায্য পাইতে লাগিল। তাহাকে বিবিধরূপে পরীক্ষা করিয়া আবেদ দেশ বুঝিতে পারিল সে, ঐ

কৰ্মচারীৰ দ্বাৰা তাহাৰ কোনোক্লপ অনিষ্ট হইবাৰ সম্ভাবনা নাই ; অধিকস্ত সৱকাৰি কাৰ্য্য সাহায্য কৱিতে গিয়া ষদি সে কোনোক্লপে বিপদগ্ৰাণ্ড হয়, তাহা তইলেও গ্ৰু কৰ্মচারী তাহাকে বিপদ হইতে আও উদ্ধাৰ কৱিবেন।

মনে মনে এইকল্প তানিয়া, সে একদিনসেই কৰ্মচারীকে কহিল, “আমি আপনাৰ নিকট হইতে অনেক অৰ্থ গ্ৰহণ কৱিয়াছি, কিন্তু এ পৰ্যাপ্ত আমি আপনাৰ বিশেষ কোন কাৰ্য্য কৱিয়া উঠিতে পাৰি নাই ; ইহাৰ নিমিত্ত আমি মনে মনে অত্যন্ত লজ্জিত আছি। এখন আমি স্থিৰ কৱিয়াছি যে, অভাৱ পক্ষে পনেৱে দিবসেৰ মধ্যে একবাৰ একাকী বহুগত হইব। ইহাৰ মধ্যে আপনি আমাৰ কোনোক্লপ সংবাদ লইবাৰ চেষ্টা কৱিবেন না।

কৰ্ম। তুমি কোথায় যাইবে ?

আবেদ। তাহা আমি এখন আপনাকে বলিব না, আৱ বালবই বা কি ? আমি যে কোথায় যাইব, তাহা আমি এখন নিজেই জানি না, ইচ্ছা কৱিয়াছি, আমি কোনোক্লপে আৱ একবাৰ ডাকাইত দলেৱ সহিত মিলিব, ষদি কুতকাৰ্য্য হইতে পাৰি, তাহা হইলে দলপতিৰ সহিত সকলকেই ধৰাইয়া দিয়া আপনাৰ খণ হইতে নিষ্কৃতি লাভ কৱিব।

কৰ্ম। কতদিন পৱে আৱাৰ দেখা হইবে ?

আবে। তাহা আমি এখন বলিতে পাৰি না। কিন্তু যতদিনই হউক না কেন, পনেৱে দিনেৱ মধ্যে আমি একবাৰ আসিয়া আপনাৰ সহিত সাক্ষাৎ কৱিব ও কতূৰ কুতকাৰ্য্য হইতে পাৰিয়াছি, তাহাৰ আমি আপনাকে বলিয়া থাইব। কিন্তু—

কৰ্ম। কিন্তু কি ?—

আবে। আমাৰ পৱিবাৰবৰ্গ ?

কৰ্ম। তোমাৰ পৱিবাৰবৰ্গেৰ নিমিত্ত তোমাকে ভাবিতে হইবে না, সে ভাৱ আমাৰ উপৱ রহিল, তাহাদিগেৰ সংবাদ আমি সৰ্বদা গ্ৰহণ কৱিব ও তাহাদিগেৰ নিমিত্ত যাহা বিছু থৱচ হইবে, তাহা এখন আমি যেকল্পভাৱে দিতেছি, সেইকল্প ভাবেই দিয়া আসিব ; সে সম্বৰ্দ্ধে তোমাকে আদৌ কোনোক্লপ ভাবিতে হইবে না।

এই বলিয়া আবেদ আলি কৰ্মচারীৰ নিকট বিদায় গ্ৰহণ কৱিয়া, সেই স্থান হইতে প্ৰস্থান কৱিল। সে যে কোথায় গেল, কেহ জানিল না, বা কেহই বলিতে পাৰিল না। আট দশ দিবস কেহ তাহাকে আৱ সেই স্থানে দেখিতে পাইল না, বা তাহাৰ কোনোক্লপ সংবাদও পাওয়া গেল না। স্বাদশ দিবসে সে হঠাৎ কোথা হইতে আসিয়া সেই কৰ্মচারীৰ সহিত সাক্ষাৎ কৱিল, ও কহিল, যে দলেৱ দ্বাৰা আজ কাল ডাকাইতি হইতেছে, আমি তাহাৰ সন্ধান কৱিয়া আসিয়াছি, ষদি অনুমতি হয়, আমি তাহাৰ ক্ষিতিৰ গিয়া প্ৰবিষ্ট হই।

ভূতের বিচার।

কর্ম। কিরূপে তুমি উহার ভিতর প্রবিষ্ট হইবে ?

আবে। উহাদিগের মলভূক্ত হইয়া উহাদিগের সহিত ডাকাইতি করিতে চাইবে।

কর্ম। ডাকাইতি না করিলে তুমি কি উহাদিগকে ধরাইতে পারিবে না ?

আবে। না।

কর্ম। কেন ?

আবে। মলভূক্ত না হইলে উহারা আমার কথায় বিশ্বাস করিবে কেন ?

কর্ম। আচ্ছা, তাহাই হইবে ; কিন্তু এক কাজ করিতে হইবে। আমার কথা মত ডাকাইতি করিতে গিয়া যদি কোন গতিকে দ্রুত হও, তাহা হইলে যাহাতে আমি তোমাকে বাঁচাইতে পারি, অগ্রে তাহার বিশেষ বন্দোবস্ত করিতে হইবে, পরে ডাকাইতি করিতে তোমাকে অসুমতি দিব। এখন বল দেখি, তুমি যে দলের কথা কহিতেছ, সেই দল এই স্থান হইতে কতদূরে অবস্থিতি করে ?

আবে। তাহারা নানা স্থানে বাস করে, কিন্তু কার্য করিবার সময় যে স্থানে সমবেত হয়, সেই স্থান এখান হইতে প্রাপ্ত চালিশ ক্রোশ দূরে।

কর্ম। তুমি ততদূর গিয়াছিলে ?

আবে। না যাইলে কার্য উদ্ধার করিব কিরূপে ?

কর্ম। ঐ দলের দলপতি কে ?

আবে। মলপতির কথা বলিবেন না,

সে বড় ভয়ানক কথা। আমি যে আনিফ খাকে ধরাইয়া দিয়াছিলাম, সে মরিয়া ভূত হইয়াছে। ভূত তাইয়াও সে আপন কার্য পরিত্যাগ করে নাই। সে এখনও ডাকাইত দলের দলপতি। সে দলপতির কার্য করে বটে, কিন্তু নিজে কিছুই গ্রহণ করে না। তাহার অংশে যাহা হয়, সে তাহা উড়াইয়া লইয়া গিয়া এক এক গ্রামের এক এক স্থানে ফেলিয়া দেয়, যে পায় সেই লয়, উহাতেই তাহার আমোদ।

কর্ম। তুমি তাহাকে দেখিয়াছ ?

আবে। দেখিয়াছি।

কর্ম। সে তোমাকে চিনিতে পারিয়াছিল ?

আবে। খুব পারিয়াছিল।

কর্ম। তুমি যে তাহাকে ধরাইয়া দিয়াছিলে, তাহার নিমিত্ত সে তোমাকে কিছু বলে নাই ?

আবে। না। আমি যে তাহাকে ধরাইয়া দিয়াছিলাম, তাহা সে আনিতে পারে নাই বা বুঝিতে পারে নাই।

কর্ম। তাহার চেহারা এখন কিরূপ ?

আবে। পূর্বে যেক্ষণ ছিল, এখনও ঠিক সেইরূপ আছে, তবে পূর্বের অপেক্ষা সে এখন কিছু কাহিল হইয়াছে। প্রভেদের মধ্যে, তাহার কথা একেবারে খোনা হইয়া গিয়াছে ; এমন কি, তাহার কথা সহজে বুঝিয়া উঠিতে পারা যায় না।

কৰ্ম। তাহাকে দেখিয়া তোমার ভয় হইয়াছিল ?

আবে। দলের একজন লোক আমাকে সঙ্গে করিয়া তাহার নিকট লইয়া যায়, ভূতের কথা শুনিয়া প্রথমেই আমি অতিশয় ভয় পাইয়াছিলাম, পরে তাহাকে দেখিয়া আমি একপ ভীত হইয়া পড়ি যে, কিছুক্ষণ পর্যন্ত আমার সংজ্ঞা থাকে না। পরে যখন আমার সংজ্ঞা হয়, তখন তিনি আমাকে কহেন, “তোমার কোন ভয় নাই, দলের কোন লোকের আগা হইতে কিছুমাত্র ভয় নাই, আমার দ্বারা তাহাদিগের কোনক্রম অনিষ্ট হওয়া দূরে থাকুক, অপর কেহ তাহাদিগের কোনক্রম অনিষ্ট করিতে পারিবে না। যে কোনক্রমে অনিষ্ট করিবার চেষ্টা করিবে, আমি জানিতে পারিলেই, তাহার ঘাড়টী মট্কাইয়া রাখিয়া আসিব। তুমি আমার দলে বহুদিন ছিলে, যাও, পুনরায় দশভুক্ত হও। এই কথা বলিয়াই তিনি মেই স্থান হইতে অস্তর্ক্ষান হইলেন, আর তাহাকে মেই স্থানে দেখিতে পাইলাম না।

কৰ্ম। কোন স্থানে তোমার সহিত তাহার সাক্ষাৎ হইয়াছিল ?

আবে। একটী প্রকাণ্ড মাঠের মধ্যস্থলে বৃহৎ ও বহু পুরাতন একটী অশ্ববৃক্ষ আছে, তাহার নিকট একটী বৃহৎ পুষ্টিরিণী, এই পুষ্টিরিণীর চতুর্পার্শে ভয়ানক জঙ্গলে আবৃত, দিনমানে ঐস্থান বাঘ ভালুকের আবাস স্থল,

কোন লোক ভূগ্রমেও মেই স্থানে থায় না, সকলেই জানে, ঐস্থানে ঐ অশ্ব গাছের উপর বত ভূতের আবাস-স্থল।

কৰ্ম। ঐ স্থান তুমি আমাদিগকে দেখাইতে পারিবে ?

আবে। তাহা পারিব না কেন ?

কৰ্ম। তোমার কি অনুমান হয় যে, ঐ ভূত ঐ স্থানেই বাস করিয়া থাকে ?

আবে। তাহা আমি ঠিক বুঝিয়া উঠিতে পারিতেছি না। ভূতের বাসস্থানের ঠিক কি ?

কৰ্ম। এ বিষয়ে তোমাকে উত্তরণে সন্ধান করিতে হইবে।

আবে। আমি তো তাহারই চেষ্টায় আছি, কিন্তু উহাদিগের সহিত ডাকাইতি করিতে শ্রব্য না হইলে উহারা আমাকে সম্পূর্ণরূপে বিশ্বাস করিবে কেন ?

কৰ্ম। আমি তোমাকে সে বন্দোবস্ত করিয়া দিতেছি, তাহার জন্ম তোমার কোন চিন্তা নাই। এখন তুমি তোমার বাড়ীতে যাও, কল্য আসিয়া আমার সহিত সাক্ষাৎ করিও।

আমার কথা শুনিয়া আবেদ আলি মেই স্থান হইতে প্রস্থান করিল, আমি আমার উর্দ্ধ-তন কশ্মচারী ও মেই জেলার সর্বপ্রধান বিচারককে সমস্ত কথা বলিলাম ; তাহারা অনেক ভাবিয়া চিন্তিয়া কহিলেন, ঐ উপায়ে যদি ডাকাইতের দল ধরা পড়ে, তাহা হইলে ক্ষতি নাই। কিন্তু পূর্ব হইতেই একপ

বন্দোবস্ত করিতে হইবে যে, ডাকাইতি করিবার সময় সকলকে ধৃত করিতে হইবে।

পরদিবস প্রত্যাষ্ঠে আবেদ আলি আসিয়াই মেই কর্মচারীকে কহিল, “কোনোক্তি বন্দোবস্ত করিতে সমর্থ ছইয়াছেন কি ?

কর্ম। ইহা, তুমি অবলীলাক্রমে ডাকাইতের দলে মিশিতে পার।

আবে। আর ডাকাইতি ?

কর্ম। তাহাও করিতে পারিবে, কিন্তু একটী কথা আছে।

আবে। কি ?

কর্ম। একপ কোন উপায় করিতে হইবে যে, ডাকাইতি করিবার সময় যাহাতে আমারা উহাদিগকে ধরিতে পারি।

আবে। যদি আপনারা তাহা করিতে চাহেন, তাহা হইলে বিশেষ কষ্টসাধ্য হইলেও আমি তাহার বন্দোবস্ত করিব। কিন্তু ঐক্যপে কার্য করিতে আমি নিষেধ করি।

কর্ম। কেন নিষেধ কর ?

আবে। তাহাতে উভয় পক্ষে অনেক খুনজখম হইবার সম্ভাবনা।

কর্ম। তাহা জানি, কিন্তু এই স্থানের সর্বপ্রথম বিচারপতির ঐক্যপ ইচ্ছা।

আবে। যদি তাহার ঐক্যপ ইচ্ছা হইয়া ‘কে, তবে সেইক্যপই বন্দোবস্ত করিব।

কর্ম। আমরা অগ্রে কিঙ্কপে জানিতে পারিব যে, কবে ও কোনু সময় এই কার্য হইবে ?

আবে। তাহা হইলে এক কার্য করিতে

হইবে। আমার সহিত একটী বিশ্বাসী লোক দিতে হইবে, আর একজন দ্রুত অশ্বারোহীরও ঘোড়াক করিতে হইবে। যে গ্রামে বসিয়া

যে সময় ডাকাইতি করিবার সমস্ত ঠিক হইবে, আমি মেই বিশ্বাসী লোককে মেই গ্রামের কোন স্থানে রাখিয়া দিব। যেমন ডাকাইতির স্থান ও সময় স্থির হইবে, অমনি আমি তাহাকে মেই সংবাদ প্রদান করিব। অশ্বারোহীকে কোন দূরবর্তী গ্রামে থাকিতে হইবে। লোক এই সংবাদ অশ্বারোহীকে প্রদান করিলে, সে দ্রুত অশ্বচালনা করিয়া আপনার নিকট আগমন পূর্বক এই সংবাদ প্রদান করিবে, তখন আপনারা সদলবলে ডাকাইতির স্থানে উপস্থিত হইয়া ডাকাইতি করিবার সময় আমাদিগকে ধরিবেন। যদি এইক্যপ বন্দোবস্ত করিতে পারেন, তাহা হইলে কার্যসম্ভব হইতে পারিবে, কিন্তু বিশেষ বিশ্বাসী লোক না হইলে সকল কার্য নষ্ট হইয়া যাইবে ও আমাদিগের সমস্ত মন্তব্য প্রকাশ হইয়া পড়িবে, তাহা হইলে পরিশেষে আর কোন কার্যই সম্ভব সম্পন্ন হইবে না।

আবেদ আলির কথা শুনিয়া কর্মচারী বৃঞ্জিতে পারিলেন যে, সে যাহা বলিতেছে, তাহা যুক্তিসংগত। এখন ঐক্যপ বিশ্বাসী লোক ও অশ্বারোহী কোথায় পাওয়া যাইবে ?

এ সম্বন্ধে এই কর্মচারী তাহার উর্দ্ধতন কর্মচারীর সহিত পরামর্শ করিলেন ও পরি-

শেষে ইহাই সাম্যস্ত হটেল যে, ঐ কর্মচারীই আবেদ আলির সহিত গমন করিবেন ও জেলা অধ্যারোহী পুলিসের ফ্লিনি নেতৃত্বে, তিনিও অধ্যারোহণে গমন করিয়া নিকটবর্তী কোন গ্রামে অপেক্ষা করিবেন।

উক্ততন কর্মচারীর সঙ্গে পরামর্শ করিয়া যাহা সাম্যস্ত হটেল, তিনি তাত্ত্ব আবেদ আলিকে কহিলেন। আবেদ আলি ঐ প্রস্তাবে সম্মত হইয়া পুনরায় তাহার বাড়ী হটেলে বহিগত হইল। এবার সেই কর্মচারীও তাহার সহিত গমন করিলেন। তিনি দূরে দূরে থাকিয়া তাহার অনুসরণ করিতে লাগিলেন। যে গ্রামে যেকুপভাবে অবস্থিতি করিলে তাহার উপর অপর কাহারও কোনরূপ আদৌ সন্দেহ হইতে না পারে, সেইকুপভাবে আত্ম-পরিচয় প্রদান করিতে লাগিলেন। কর্মচারী ভদ্রলোক স্বতরাং ভদ্রবেশেই তাহাকে নানা গ্রামে গমন করিতে হইল; সকল স্থানেই তিনি স্কুল ও পাঠশালা-পরিদর্শক বলিয়া আত্ম-পরিচয় প্রদান পূর্বক স্কুল বা পাঠশালা পরিদর্শন করিতে করিতে গমন করিতে লাগিলেন, যে সকল গ্রামে দুই চারি দিবস অবস্থিতি করিতে হইল, তিনি পীড়িত হইয়াছেন বলিয়া সেই সেই স্থানে অবস্থিতি পূর্বক সময় অতিবাহিত করিতে লাগিলেন।

অধ্যারোহী ঐ প্রদেশে ঘোড়া ও গরু খরিদ করিতে আসিয়াছেন, এই পরিচয়ে নানা স্থানে অবস্থিতি করিতে লাগিলেন। কোন

কোন স্থানে গরু বা ঘোড়া খরিদ করিবার জন্য বায়নার স্বরূপ তাহাদিগকে কিছু কিছু অর্থও প্রদান করিতে লাগিলেন।

এই প্রকারে আবেদ আলি ও তাহার সমভিব্যাহারী কর্মচারীস্থল আপনাপন কার্য্য উক্তার মানসে দিন ধায়িনী অতিবাহিত করিতে লাগিলেন।

সপ্তম পরিচ্ছেদ।

আবেদ আলি ও কর্মচারীস্থল জেলা হইতে বাহির হইয়া যাইবার পর জেলার সর্বপ্রধান পুলিস-কর্মচারী ও সর্বপ্রধান বিচারক সাহেব সমস্তই প্রস্তুত করিয়া রাখিলেন; সংবাদ পাইবামাত্র তাহারা স্বদলবলে গমন করিতে পারিবেন, কালমাত্র বিলম্ব হইবে না, একুপ সমস্তই ঠিক রহিল ও ইহাও স্থির রহিল যে, তাহারা নিজেই ঐ কার্য্যে গমন করিবেন।

জেলার সমস্ত কর্মচারীই বুঝিতে পারিল যে, কি একটা ঘটিবে, বোধ হয়, কোন স্থানে দাঙ্গা হইবার সন্তাবনা আছে, তাই সিপাহি শান্তি সর্বস্ব প্রস্তুত থাকে। কিন্তু কেন যে প্রস্তুত থাকে, তাহা সঠিক কেহই অবগত নহে; বাহারা প্রস্তুত থাকে, তাহারাও বলিতে পারে না কি কার্য্যে কোথায় গমন করিতে হইবে?

এইকুপে প্রায় ১০ দিবস অতিবাহিত হইয়া গেল। এদিকে সর্বপ্রধান কর্মচারীস্থল আপ-

নারা দলবলের সাহত সশস্ত্রে প্রস্তুত হইয়া রহিলেন। অপর দিকে আবেদ আলি সমভিব্যাহারী কর্মচারীদ্বয় ইন্দুবেশে গ্রামে গ্রামে ঘূরিতে লাগিল।

একাদশ দিবসের দিন আবেদ আলি আসিয়া সেই কর্মচারীকে সংবাদ প্রদান করিল যে, আগামী কলা শুরু হইবে যে, কোনু গ্রামে ও কাহার বাড়ীতে ডাকাইতে হইবে। পর দিবস রাত্রি নয়টার সময় আসিয়া পুনরায় সংবাদ প্রদান করিল যে, সেই রাত্রেই বারটার পর উহারা ডাকাইতি করিবে। যে গ্রামে ডাকাইতি হইবে, সেই গ্রামের নামও বলিয়া দিল, কিন্তু কাহার বাড়ীতে যে ডাকাইতি হইবে, তাহা বলিতে পারিল না। কারণ বাহার বাড়ীতে ডাকাইতি হইবে, সংবাদদাতা তাহার নাম বলে নাই, সে সঙ্গে গিয়া ঐ বাড়ী দেখাইয়া দিবে।

এই সংবাদ প্রদান করিয়াই আবেদ আলি সেই স্থান হইতে প্রস্থান করিল।

যেস্থানে ডাকাইতি হইবে, সেই স্থান ঐ স্থান হইতে প্রায় পাঁচক্ষেণ ও সেই স্থান হইতে জেলা ও প্রায় পাঁচক্ষেণ দূরে। সংবাদ-প্রাপ্তির স্থান হইতে জেলা ও ৭ ক্ষেণের কম নহে। এখন ৭ ক্ষেণ পথ গমন করিলে, জেলায় সংবাদ পৌছিবে। সেই স্থান হইতে পাঁচক্ষেণ পথ গমন করিলে, যে গ্রামে ডাকাইতি হইবে, সেই গ্রামে উপস্থিত হইতে পারা যাইবে। এদিকে সময় ৩ ঘণ্টা মাত্র। এত

অন্ন সময়ের মধ্যে কর্মচারীগণ সেই স্থানে উপস্থিত হইতে পারিবেন কি না, বলা যায় না। ধারা ছক্তি, এ কর্মচারী সেই অস্থারোহীকে তখনই সংবাদ প্রদান করিলেন, তিনি দ্রুত-বেগে অব্যাহার করিয়া কোন গতিকে রাখি ১২ টার সময় ঝেলায় গিয়া সংবাদ প্রদান করিলেন। এদিকে কর্মচারী ও যে গ্রামে ডাকাইতি হইবার কথা, সেই গ্রামাঞ্চলে গমন করিলেন।

জেলায় কর্মচারীগণও প্রস্তুত ছিলেন, তাহারাও সংবাদ প্রাপ্তিমাত্র অস্থারোহণে সেই স্থান হইতে বর্তীগত হইলেন। অপর যে কর্মকর্ত্তন অস্থারোহী পুলিস ছিল, তাহারাও তাহাদিগের সহিত গমন করিতে লাগিলেন। ঐ দলের নেতা, যিনি সংবাদ লটয়া আসিয়া ছিলেন, তিনি ও তাহার অব্যাহার প্রত্যাগ করিয়া অপর অরি একটা অশ্বে আরোহণ পূর্বক তাহাদিগের সহিত গমন করিলেন। এটুকুপে অস্থারোহীর সংখ্যা দশ জনের অধিক হইল না। অপরাপর কর্মচারীগণ প্রায় একশত অস্ত্রধারী পুলিস প্রহরী সমভিবাহারে পদব্রজে তাহাদিগের অনুসরণ করিলেন। কিন্তু অস্থারোহীগণের সহিত একজো গমন করিতে পারিলেন না, তাহাদিগের অনেক পশ্চাতে পড়িলেন।

সর্বপ্রধান কর্মচারীদ্বয় অস্ত্রধারী অস্থারোহীর সহিত যথেন সেই গ্রামে গিয়া উপস্থিত হইলেন, তখন ডাকাইতি প্রায় শেষ হইয়া গিয়াছে, অথচ তাহাদিগের অনুচরণণ তখনও

পর্যাপ্ত উপস্থিত হইতে পারেন নাই । জ্বেলার দুইজন প্রধান ইংরাজ কর্মচারী যখন ডাকাইতির সময় সেই স্থানে গিয়া, উপস্থিত হইলেন, তখন তাহাদিগের সাহায্যকারী নিতান্ত অল্প হইলেও তাহারা স্থির থাকিবার লোক নহেন । এইরূপ অবস্থায় যদি কেবল একজন টংরাজ কর্মচারীও বিনা সাহায্যে আসিয়া উপস্থিত হইতেন, তিনিও চক্ষের উপর উহা দেখিতে পারিতেন না । ইংরাজের স্বত্বাব সেক্রেট নহে । এ ক্ষেত্রে দুইজন প্রধান ইংরাজ কর্মচারী দশজন সশস্ত্র অঙ্গুচরের সহিত উপস্থিত । ডাকাইতের সংখ্যা যতই হউক না কেন, আপন প্রাণের উপর মাঝা করিয়া তাহারা কখনই স্থির থাকিতে পারেন না ।

ইংরাজ কর্মচারীদ্বয় ঐ দশজন অঙ্গুচর লইয়াই উহাদিগকে আক্রমণ করিলেন । অন্ত আক্রমণ নহে, উহাদিগকে একেবারে শুলি করিতে আদেশ দিলেন । একেবারে স্বাদশ বন্দুকের আওয়াজ হইল । ডাকাইত দলের মধ্য হইতেও বন্দুকের শব্দ হইতে লাগিল । বন্দুকের আওয়াজের সঙ্গে সঙ্গে ডাকাইতগণ তাহাদিগের মধ্যে প্রত্যক্ষ যে সকল আলো ছিল, তাহা একেবারে হঠাৎ নির্বাপিত করিয়া দিল । সুতরাং সেই স্থান একবারে অক্ষকার্য হইয়া পড়িল ; শুলি সকল সন্সন্ধে ছুটিতে লাগিল । কিছুক্ষণ পরে দেখা গেল, সেই স্থান একেবারে জনশূণ্য, অক্ষকারের আশ্রয় লইয়া ডাকাইতগণ পলায়ন করিয়াছে ।

পরে জানিতে পারা গিয়াছিল, আবেদ আলিওঁ ঐ ডাকাইতদিগের সঙ্গে আগমন করিয়াছিল । সে জানিত যে, ডাকাইতি করিবার সময় গোলযোগ হইবে, সুতরাং সে বাড়ীর স্থিতিতে না গিয়া বাতিলে ঘাঁটি আগলাইতে লাগিল । অব্যাখ্যানকে দূর হইতে দেখিতে পাইয়া সাক্ষেত্রিক শব্দে উহাদিগকে সংবাদ দিয়া আবেদ নিঝের কার্য শেষ করে ও তথা হইতে প্রস্থান করে ।

ডাকাইতগণ প্রস্থান করিবার পর আলো জ্বালাইয়া ঘটনা স্থল উত্তমরূপে পরীক্ষা করিবার সময় পূর্ব-কণিত সংবাদ সংগ্রহকারী কর্মচারীও সম্মুখে আসিয়া উপস্থিত হইলেন । ঘটনাস্থলে অনুসন্ধান করিয়া দুইটা মৃতদেহ পাওয়া গেল । বন্দুকের শুলি উহাদিগের বক্ষস্থল ভেদ করায় তাহাদিগের মৃত্যু হইয়াছে । যাহাদিগের মৃতদেহ পাওয়া গেল, তাহারা ঐ গ্রামের লোক নহে, বা ঐ গ্রামের কোন লোকও তাহাদিগেকে চিনিতে পারিল না । সুতরাং ইহাই সাব্যস্ত হইল যে, ঐ দুই ব্যক্তি ডাকাইতের দলের লোক ; পুলিসের শুলিতে মরিয়া গিয়াছে ।

ডাকাইত দলের মধ্যে হইতে বেসকল শুলি ছুড়িয়াছিল, তাহাতে পুলিসের বিশেষ কোন ক্ষতি হয় নাই, কেবলমাত্র একটা অশ্ব সামান্যরূপ আহত হয় । পদাতিক কর্মচারীগণ ধৰন আসিয়া উপস্থিত হইল, তখন সমস্তই শেষ হইয়া গিয়াছিল ।

ডাকাইতগণ অক্ষকাৰোৱ আশ্রয়ে সেই স্থান হইতে ধাহিৰ হইয়া গিয়াছিল, শুভৱাং কোনুৰ দিকে ও কিৰণ অবস্থাৰ তাহাৱা প্ৰস্থান কৰিয়াছিল তাহা জানিতে না পাৰাবৰ অশ্বা-ৱোহীগণ তাহাদিগেৱ অনুমৱণ পৰ্যন্ত কৱিতে সমৰ্থ হয় নাই।

এইকল্পে বিফল মনোৰথ হইয়া ইংৱাঞ্জ প্ৰধান কৰ্মচাৰীদৰ নিতান্ত কুক মনে আপন স্থানে প্ৰত্যাগমন কৱিলেম।

সময় মত আবেদ আলি আসিয়া মেই কৰ্ম-চাৰীৰ সহিত সাক্ষাৎ কৱিল ও যেকল্পে তাহাৰা ঈ ডাকাইতি কৱিয়া পলায়ন কৱিয়াছিল, তাহাৰ সমষ্ট অবস্থা তাহাৰ নিকট বিবৃত কৱিল। আৱৰও কহিল যে, সেই ভূত, এবাৰও দলপতি হইয়া ঈ ডাকাইতি কৱিতে গমন কৱিয়াছিল। কিন্তু আক্ৰান্ত হইয়া সকলে যথন পলায়ন কৱিয়াছিল, সেই সময় হইতে ঈ দলপতিকে আৱ কেহই দেখিতে পাৰ নাই। ডাকাইতি কৱিয়া যে সকল দ্রব্যাদি আনা হইয়াছিল, তাহা ডাকাইতিৰ চারি দিবস পৱে সকলেৰ মধ্যে বিভাগিত হয়। সেই সময়েও দলপতি সেই স্থানে উপস্থিত হয় নাই। অপৱাপৱ ডাকাইতগণ তাহাদিগেৱ আপনাপন অংশ গ্ৰহণ কৱিয়া চলিয়া যায়; দলপতিৰ অংশ একজনেৱ নিকট গচ্ছিত থাকে।

আবেদ আলি এই সকল বিষয় কৰ্মচাৰীকে বলিয়া তাহাৰ অংশে সে সকল দ্রব্যাদি পাইয়া-

ছিল, তাহা আনিয়া তাহাৰ সমুখে উপস্থিত কৱিল। আৱ ঈ ডাকাইত দলেৱ যে সকল ব্যক্তিৰ নাম ও বাসস্থান এ পৰ্যন্ত অবগত হইতে পাৱিয়াছিল, তাহাৱও একটী তালিকা তাহাকে প্ৰদান কৱিল।

অষ্টম পৱিত্ৰেচ্ছদ।

এই সমষ্ট সংবাদ কৰ্মচাৰীকে প্ৰদান কৱিয়া আবেদ আলি, তাহাৰ পৱামৰ্শমত পুনৱায় সেই স্থান পৱিত্ৰ্যাগ কৱিল। এবাৱ তিনি তাহাকে বলিয়া দিলেন, যেকল্পে হয়, ঈ ভূতেৱ বাসস্থান শিৰ কৱিয়া আসিবে।

এক সপ্তাহ পৱ, সে পুনৱায় প্ৰত্যাগমন কৱিল ও কহিল, এবাৱ সেই দলপতি ভূতেৱ বাসস্থানেৱ সন্ধান পাইয়াছি, যে জঙ্গলেৱ ভিতৰ তাহাৰ সহিত প্ৰথম সাক্ষাৎ হয়, সেই জঙ্গলেৱ মধ্যেই তাহাৰ বাস। তবে তাহাৰ বাসস্থান নিজ চক্ষে না দেখিলেও বিশ্বস্ততে অবগত হইয়াছি।

আবেদ আলিৰ কথা উনিয়া তিনি সমষ্ট অবস্থা তাহাৰ উক্তিৰ কৰ্মচাৰীকে বলিলেন। পৰিশেষে ইহাই সাব্যস্ত হইল যে, যত লোক আবশ্যক, তত লোক সংগ্ৰহ কৱিয়া অধিক রাবে ঈ জঙ্গল বেষ্টন কৱা হইবে। অতি প্ৰত্যামেই সকলে চতুৰ্দিক হইতে জঙ্গলেৱ দিকে অগ্ৰসৱ হইতে থাকিবে। যে সকল লোক ঈ কাৰ্য্যে নিযুক্ত হুইলে, সকলেই

পুলিসের পোষাক পরিয়া ঐ কার্যে নিযুক্ত হইবে; কারণ পুলিসের লোক ব্যতীত যে কোন ব্যক্তিকে উহার ভিতর পাওয়া যাইবে, তাহাকেই ধূত ও অবরুদ্ধ করা হইবে।

এইক্লপ পরামর্শ স্থির হইলে, নানাস্থান হইতে নানা পুলিস-কর্মচারী ও পুলিস-প্রচরী আনীত হইল। জেলায় মধ্যস্থিত যে কোন গ্রামে ও থানায় যে কোন পুলিস কর্মচারী ও কনষ্টেবল ছিল, সকলেই নির্দিষ্ট দিনে সদরে আসিয়া উপস্থিত হইলেন। তৎব্যতীত নিকট-বন্তী জেলা সকল হইতেও অনেক পুলিসের আগমন হইল। যেহান হইতে যতগুলি ইংরাজ কর্মচারীর সেই স্থানে উপস্থিত হইবার সন্তা-বনা, তাঁহারাও আসিয়া সেই স্থানে উপস্থিত হইলেন। আবেদ আলি পূর্বেই সেই স্থান গোপনে দেখাইয়া দিয়াছিল, ঐ কয়েকজন কর্মচারী শুশ্রবেশে সেই স্থানে গমন করিয়া ঐ জঙ্গল ও পুকারণীর অবস্থা উত্তমক্রপে দেখিয়া লইলেন।

মির্দিষ্ট দিনে সকার পরই সমস্ত পুলিস-কর্মচারী সদর হইতে বাহির হইয়া আপন গন্তব্য স্থানে গমনক্রূঢ় করিতে লাগিলেন। যথন তাঁহারা সেই স্থানে গিয়া উপস্থিত হইলেন, তখন রাত্রি প্রায় ঢটা বার্জিয়া গিয়াছিল। সেই সময় হইতেই তাঁহারা ঐ জঙ্গল ও পুকা-রণীর চতুর্দিক বেষ্টন করিতে আবস্থ করিলেন। সকলের আপনাপন স্থান অধিকার করিতে প্রায় ছাঁটা বার্জিয়া গেল। পঁচটা

বাজিবার সম্মে সম্মে চতুর্দিক হইতে সকলে ক্রমে ক্রমে সেই জঙ্গলের ভিতর অগ্রসর হইতে লাগিলেন। তিন চারি হস্ত অস্ত্র এক এক জন লোক স্থাপিত করা হইয়াছিল, উহারা যাহাতে আপন আপন কার্য সুচারুক্রপে সম্পন্ন করে, তাঁহা দেখার জন্ম, প্রত্যেক মশজিন কনষ্টেবলের উপর একজন করিয়া দেশীয় কর্ম-চারী নিযুক্ত হইয়াছিল। তাঁহাদিগের উপর এক একজন ইংরাজ কর্মচারী। তৎকার্যে যতগুলি লোক নিযুক্ত হইয়াছিলেন, সকলেই সশস্ত্র। যিনি যে অস্ত্র উত্তমক্রপে ব্যবহার করিতে পারিতেন, তাঁহাকে তাঁহাই প্রদান করা হইয়াছিল। কনষ্টেবলগণ লাঠি লইয়া-ছিল, কর্মচারীদিগকে তরবারি, পিণ্ডল ও বন্দুক প্ৰ. ন করা হইয়াছিল।

এইক্লপে সকলে সেই জঙ্গল ভেদ করিয়া অগ্রসর হইতে লাগিল। ক্রমে বাষ্পশান্দূলাদি ভৌবণ বন্ধজন্মের সহিত সাক্ষাৎ হইল। উহাদের মধ্যে কেহ বা তাঁহাদের হস্তে নিধন প্রাপ্ত হইল, কেহ বা পলায়ন করিল।

ঐ জঙ্গলের প্রায় মধ্যস্থলে উপনীত হইলে একটা বছ পুরাতন পুকারণীর ধারে একখানি ক্ষুদ্র কুটীর দেখা গেল। চারিজন ইংরাজ-কর্মচারী বন্দুক হস্তে ঐ কুটীরের নিকট গমন করিলেন। দেবিলেন, ঐ কুটীরখানি ঝই অংশে বিভক্ত। এক অংশে তিনজন লোক, অপর অংশে একটা পুরুষ ও একটা স্ত্রীলোক। তাঁহাদিগের নিকট অস্ত্র শস্ত্র ধাকিলেও উহারা

কিন্তু কোনোক্ষণ প্রতিবক্ষকতাচরণ করিল না ; বোধ হয়, অস্ত্রধারী অনেক লোককে দেখিয়া ও সহজে তাহাদের হস্ত হইতে পলায়ন করিবার আশা নাই তাবিয়া, উহারা সহজেই আঘাত সমর্পণ করিল ।

যে তিনজন লোককে ঐ কুটীরের এক অংশে পাওয়া গিয়াছিল, তাহাদিগকে দলত্ব কেহই চিনিতে পারিল না, কিন্তু স্বীলোক-টীর সহিত যাহাকে তথায় পাওয়া গিয়াছিল, একজন ক্ষুভিরী তাহাকে চিনিতে পারিলেন । তিনি কাঁচলেন, আমার যদি ভ্রম না হইয়া থাকে, যদি হাঁনিফ খাঁ এখনও জীবিত থাকে, তাহা হইলে আমি নিশ্চয়ই বলিতে পারি, যে হানিফ খাঁর ফাসি হইয়াছিল, এ সেই হানিফ খাঁ ভিন্ন আর কেহই নহে ; তবে যে যদি মরিয়া ভূত হইয়া থাকে, তাহা হইলেও ইহার আকৃতির সহিত হানিফ খাঁর আকৃতির কিছুমাত্র প্রভেদ নাই ।

সেই সময় ঐ সকল সোককে কর্ষ্ণচারীগণ হই একটি কথা জিজ্ঞাসা করিলেন কিন্তু কেহই তাহাদিগের কথার কোনোক্ষণ উত্তর প্রদান করিল না, যাত্র একজন কহিল, আমাদিগকে এখন কোন কথা জিজ্ঞাসা করিবেন না, যেখানে শহীদ যাইতে চাহেন, সেই স্থানে লইয়া চলুন, তথায় আপনাদের সকল কথার উত্তর পাইবেন ।

পরে ঐ জঙ্গলটা কর্ষ্ণচারীগণ উত্তমরূপে দেখিলেন, ঐ ক্ষমত্ব ব্যাপীত অপর কোন

লোককে আর পাওয়া গেল না । যে যে স্থানে সন্দেহ হইল, সেই সেই স্থান খোদিত হইল । পুষ্টিরণ্ডীর ভিতর যতদূর সন্তুষ্ট অনুসন্ধান করা হইল, কেবল কতকগুলি পিতল কাঁসার বামন ব্যতীত আর কিছুই পাওয়া গেল না । ঐ কুটীর ও উহার নিকটবর্তী স্থান সকল উত্তমরূপে খোদিত করিয়াও কয়েকখানি সোণা রূপার অলঙ্কার ও সামান্য কয়েকটা মুদ্রা ব্যতীত বহুমূল্য দ্রব্য কিছুই পাওয়া গেল না, তবে বলুক, তরবারি, লাঠি, সড়ক প্রভৃতি অস্ত্র শস্ত্র ঐ কুটীরের একপ্রান্তে অনেক পাওয়া গিয়াছিল । ঐ সমস্ত দ্রব্যের সহিত যে পাঁচজন ধূত হইয়াছিল, তাহারা জেলার সদর থানায় আনীত হইল ।

অলঙ্কার প্রভৃতি যে সকল দ্রব্য পাওয়া গিয়াছিল সে সমস্তই যে ডাকাতি করিয়া প্রাপ্ত, সে সমস্তকে কিছুমাত্র সন্দেহ রহিল না, ক্রমে ক্রমে ঐ সকল দ্রব্যের করিয়াদিও বাহির হইয়া পড়িল ।

যে সকল ডাকাতির নাম ও ঠিকানা আবেদ্ধ আলি পূর্ণে বলিয়া দিয়াছিল, তাহারা ও ক্রমে ক্রমে আপনাপন বাসস্থানে ধূত হইতে লাগিল ও তাহাদিগের নিকট হইতে কিছু কিছু ডাকাতির দ্রব্যও পাওয়া গেল ।

যে সকল বাকি হানিফ খাঁকে উত্তমরূপে চিনিত, তাহাদের একে একে সকলকেই আনা হইল, সকলেই হানিফ খাঁকে চিনিতে পারিলেন কিন্তু কেহই সহজে বিশ্বাস করিতে

ତାହିଲେନ ନାୟେ, ଏ ବ୍ୟକ୍ତିଇ ପ୍ରକୃତ ହାନିକ ଥାଏ । ତାହାଦିଗେର ମଧ୍ୟ ଅନେକେଇ କହିଲେନ, ଯେ ବ୍ୟକ୍ତି ମରିଯା ଗିରାଇଛେ, ମେ ଆବାର ବାଚିଯା ଆସିବେ କିନ୍ତୁ କିମ୍ପେ ? ଏ ପ୍ରକୃତ ହାନିକ ଥାଏ, ମେ ମରିଯା ଭୂତ ହଇଯାଇଛେ, ଏ ମେହି ଭୂତ ।

—

ନବମ ପରିଚେତ ।

ଭୂତ ଧରା ପଡ଼ିଯାଇଛେ, ଏଇ କଥା ଚାରିଦିକେ ରାଷ୍ଟ ହଇଯା ପଡ଼ିଲ । ଭୂତ ଦେଖିବାର ମାନସେ ନାନା ସ୍ଥାନ ହଇତେ ନାନା ଲୋକ ଆସିଯା ମେହି ସ୍ଥାନେ ଉପଶିତ ହଇତେ ଲାଗିଲ । କେହ ବା ମାହସେ ଭର କରିଯା ଉହାର ନିକଟେ ଗିଯା ଉହାକେ ଦର୍ଶନ କରିଲ, କେହ ବା ଦୂର ହଇତେ ଉଁକି ମାରିଯା ଦେଖିଲ । କାହାରେ ମେ ମାହସେ ହଇଲ ନା, ଅପରେ ଯାହା ଦେଖିଯାଇଛେ, ତାହାଇ ଶୁଣିଯା ମେହି ସ୍ଥାନ ହଇତେ ପ୍ରଥାନ କରିଲ ।

ହାନିକ ଥାର ମହିତ ଅପର ଯେ ତିନ ବ୍ୟକ୍ତି ଧରା ପଡ଼ିଯାଇଲ, ତାହାରା ପରିଶେଷେ ଆୟୁ-
ଶାରିଚ୍ଛ ପ୍ରଦାନ କରିଲ । ତାହାରା କେ, କୋଥାଯା ତାହାଦିଗେର ବାଢ଼ୀ, ତାହାଓ ବଲିଲ । ଡାକା-
ଇତି କରିଯାଇ ଯେ ତାହାରା ଜୀବନଧାରଣ କରେ, ତାହାଓ ତାହାରା ଶ୍ରୀକାର କରିଲ, ଏବଂ ସେ ଯେ
ହାନେ ତାହାରା ଡାକାଇତି କରିଯାଇଛେ, ତାହାଓ ବଲିଯା ଦିଲ । ଆରା କହିଲ, ତାହାରା ତିନ
ଜନେଇ ସର୍ଦ୍ଦାର ହାନିକ ଥାର ପ୍ରିୟ ଶିଷ୍ୟ, ମେହି
ଜଞ୍ଚ ତାହାରା ପ୍ରାୟଇ ହାନିକ ଥାର ନିକଟ ଅବ-
ସ୍ଥାନ କରିଯା ଥାକେ ।

ଏ ଶ୍ରୀଶୋକଟୀ ବେଳେ, ମେ କଥାଓ ଅକାଶ ହଇଯା ପଡ଼ିଲ । ମେ ବର୍ଷଦିଵମ ହଇତେ ହାନିକ ଥାର ଆଶ୍ରିତ । ହାନିକ ଥାର ତାହାକେ ଅଣେକ ମହିତ ଭାଲବାସେ, ସେଥାନେ ଯାଇ, ମେହି ପ୍ରଥାନେଇ ତାହାକେ ମେହି ଲାଇଯା ଯାଇ । ମେହି ଅନ୍ୟାନ୍ୟ ଏହି ନିର୍ଜନ ବାସେ ମେ ହାନିକ ଥାର ମହଚରୀ ।

ହାନିକ ଥାର ପ୍ରଥମ ପ୍ରଥମ ତାହାର ନିଜେର ପରିଚୟ ଗୋପନ କରିବାର ଚେଷ୍ଟା କରିଯାଇଲ, କିନ୍ତୁ ପରିଶେଷେ ସଥନ ମେ ଦେଖିଲ ଯେ, ତାହାର ମମସ୍ତ କଥା କ୍ରମେ ଅକାଶ ହଇଯା ପଡ଼ିତେଇଛେ, ତଥନ ମମସ୍ତି ଶ୍ରୀକାର କରିଲ । ଶ୍ରୀକାର କରିଲ, ତାହାରଇ ମାମ ହାନିକ ଥାର, ମେହି ପୂର୍ବେ ଧୂତ ହଇଯା ଫାଁସିର ହକ୍କମ ପ୍ରାପ୍ତ ହୁଏ ।

ମର୍ବ ମମକେଇ ତାହାକେ ଫାଁସିକାଟେ ଝୁଲାନ ହଇଯାଇଲ, କିନ୍ତୁ ବେ ଜଳ୍ଲାଦ ତାହାର ଗଲାଯା ଦକ୍ଷି ପଡ଼ାଇଯା ଦେଇ, ମେ ତାହାର ମଳଭୂତ ଏକ-
ଜନ ଡାକାଇତ ଛିଲ, ମେ ଏ ଦକ୍ଷିତେ ଏକପ-
ଭାବେ ଏକଟୀ ଗାଟ ଦିଯା ରାଧିଯାଇଲ ଯେ, ଗଲାଯା
ଦକ୍ଷି ଦିଯା ମେହିରେ ଉଚ୍ଚ ହଇତେ ପତିତ ହଇଲେଇ
ଏ ଦକ୍ଷିର ଫାଁସ ଗଲାଯା ଆୟିଯା ଯାଇ ମାଇ ।
ଯେ ମମସ୍ତ ମେ ଫାଁସ ମଙ୍କେର ଉପର ହଇତେ ଝୁଲିଯା
ପଡ଼େ, ମେହି ମମସ୍ତ ଜଳ୍ଲାଦ ଏ ମଙ୍କେର ଭିତରେଇ
ଦ୍ଵାଦଶମୀ ଛିଲ, ପଡ଼ିବାର ମମସ୍ତ ମେ ନିଚେ
ହଇତେ ଉହାକେ ଧରେ, ତାଟ ଗଲାଯା କାହିଁ ଆୟିଥା
ଯାଇ ନାଇ ବା ବିଶେଷକ୍ରମ ମେ ଆମାତ ପ୍ରାପ୍ତ ହୁଏ
ନାଇ ; କେବଳ କିଛିକଣ ଝୁଲିଯା ଥାକେ ମାତ୍ର ।
ଅନ୍ଧକଣ ପରେ ଶୁଯୋଗ ମତ ଏ ଜଳ୍ଲାଦ ତାହାକେ
ଏ ବିଜ୍ଞୁର ଫାଁସ ହଇତେ ନାମାଇଯା, ନିଜେର ସରେ

মুকাইয়া রাখে, রাত্তিকালে কোন গতিকে জেলের ভিতর হইতে বাহির করিয়া দেয়। এইরূপে সে যাত্রা সেই জল্লাদ তাহার আবন রক্ষা করে। সে মরে নাই বা ভূতও হয় নাই, তবে লোকদিগকে ভয় দেখাইবার নিমিত্ত সে ভূত সাজিয়া বেড়াইত, এই জন্যই লোকে আনিত যে, হানিফ থাঁ মরিয়া ভূত হইয়াছে; স্বতরাং কেহই তাহার নিকটে আসিতে সাহস করিত না।

এই সমস্ত বিষয় অবগত হইবার পর হানিফ থাঁর পুরোয় বিচার হইল। তথাম ভূতের দিষ্য দেখিবার নিমিত্ত অনেক লোকের আগমন হইল। যে জজসাহেব পূর্বে হানিফ থাঁর বিচার করিয়াছিলেন, এবারও তিনি সেই ভূতের বিচার আরম্ভ করিলেন। বিচারকালে কেবল এইরূপ সাক্ষা পৃষ্ঠীত হইল যে, এই ব্যক্তিই হানিফ থাঁ, ইহারই প্রতি পূর্বে চৱম-সংগ্রহের আদেশ হয়। এই সমস্ত সাক্ষ্য গ্রহণ করিয়া জজসাহেব এই আদেশ প্রদান করেন যে, পূর্ব মকদ্দিমার বিচারে উহার প্রতি বেদণের ছকুন হইয়াছিল, সেটি দণ্ড বলবতী থাকিবে, ফাঁসি কাঠে মুলাইয়া উহাকে এ অগত হইতে পর-জগতে প্রেরণ করা হইবে।

কাঠৱার ভিতর হইতে বাহির করিয়া লই-বার সময় জজসাহেব হানিফ থাঁকে সম্মোধন

করিয়া কহিলেন, আমি তোমাকে একটা কথা জিজ্ঞাসা করিতে ইচ্ছা করি।

উভয়ে হানিফ থাঁ কহিল, আমি কেন আপনার বাড়ীতে ডাকাইতি করিয়াছিলাম, তাহাই জানিতে চাহেন কি?

জজসাহেব কহিলেন,—ইঁ।

হানিফ থাঁ কহিল, আপনি বিচারকালে আপনার পূর্ণ ক্ষমতার পরিচয় প্রদান করিয়াছিলেন, তাই আমিও আমার পূর্ণ ক্ষমতার পরিচয় প্রদান করিতে আপনার বাড়ীতে গমন করিয়াছিলাম, কিন্তু সম্পূর্ণরূপে ক্ষত-কার্য হইতে না পারিয়া পাথের স্বরূপ যাহা কিছু পাইয়াছিলাম, তাহাই লইয়া প্রত্যাগমন করি।

জজ সাহেব শুনিয়া হাসিলেন।

তাহার মলের অপরাপর যে সকল ডাকাইত দৃত হইয়াছিল, বিচারে তাহারা যথোপযুক্ত দণ্ড প্রাপ্ত হয়।

হানিফ থাঁর ফাঁসি হইবে, এবার দেশীয় জল্লাদকে বিশ্বাস না করিয়া ইংরাজ জল্লাদের দ্বারা জেলার সর্বিপ্রধান কর্মচারীর সম্মুখে ঐ কার্য সম্পন্ন করা হয়।

সেই সময় হইতে ঐ প্রদেশে কিছুদিন আর ডাকাইতির কথা শুনিতে পাওয়া যায় নাই।

সমাপ্ত।